

















藏書儒臣傳卷三十八

詞學儒臣

曹子建

曹植字子建年十歲能誦讀詩論及辭賦數十萬言善屬文操嘗視其文謂爲倩人時鄴銅雀臺新成操悉將諸子登臺使各爲賦植援筆立成操甚異之性簡易不治威儀輿馬服飾不尚華麗每進見難問應聲而對故操特見寵愛後征孫權使留守鄴戒之曰吾昔爲頓丘令年二十三思此時所行無悔於今今汝年亦二十三矣可不勉與植旣以才見而丁儀丁廙楊修等爲之羽翼操狐疑幾欲以





爲太子二十四年曹仁爲關羽所圍操以植爲南中郎將行征虜將軍欲遣救仁而植醉不能受命乃悔而罷之丕篡位誅丁儀丁廙并其男口植與諸侯并就國時法制待藩國旣自峻迫寮屬皆賈豎下才兵人給其殘老大數不過二百人又植以前過事復減半十一年中而三徙都汲汲無歡遂發疾薨時年四十一

王粲 并建安諸子

王粲字仲宣山陽高平人獻帝西遷粲徙長安左中郎將蔡邕見而奇之時邕才學顯著貴重朝廷享騎填巷賓客盈坐聞粲在門邕倒屣出迎粲年幼容狀短小旣至一坐



盡驚邕曰此王公孫有異才吾不如也吾家書籍文章盡當與之年十七司徒辟詔除黃門侍郎以西京擾亂不就乃之荊州依劉表表以粲貌寢不甚重也粲羈旅無聊作登樓賦以見志表卒粲勸表子琮歸曹操操辟粲爲丞相掾賜爵關內侯操置酒漢濱粲奉觴而賀曰方今袁紹起河北杖大衆志兼天下然好賢而不能用故奇士去之劉表雍容荆楚坐觀時變自以爲西伯士之避亂荊州者皆海內之儔而表不知所任故國危而無輔明公定冀州之日下車卽繕其甲卒收用其豪傑及平江漢引其賢儔置之列位海內回心望風願治三王之舉也遷軍謀祭酒魏



國旣建、拜侍中、初、粲與人共行、讀道邊碑、人曰、卿能闇誦乎、曰、能、因使背之、不失一字、觀人圍碁、局壞、粲爲覆之、碁者不信、以帊蓋局、使更以他局用、相比校、不誤一道、其彊記默識如此、善屬文、舉筆便成、時人以爲宿構、然正復精意覃思、亦不能加也、粲與北海徐幹字偉長、廣陵陳琳字孔璋、陳畱阮瑀字元瑜、汝南應瑒字德璉、東平劉楨字公幹、並與丕植友善、幹清玄體道、大行修備、建安中、曹操特加旌命、以疾休息、後除上艾長、又以疾不行、琳前爲何進主簿、進欲誅諸宦官、太后不聽、進乃召四方猛將、並使引兵內向、欲以劫太后、琳諫曰、易稱卽鹿無虞、諺有掩目捕



崔夫微物尚不可欺以得志況國之大事乎今將軍總皇  
威握兵要龍驤虎步高下在心以此行事無異於鼓洪爐  
以燎毛髮但當速發雷霆行權立斷違經合道天人順之  
而反釋其利器更徵於他大兵合聚彊者爲雄所謂倒持  
干戈授人以柄必爲亂首矣進不納竟以取禍琳避難冀  
州袁紹使爲檄以侮操袁氏敗琳歸操操謂曰卿昔爲本  
初移書但可罪狀孤而已惡惡止其身何乃上及父祖邪  
琳謝罪操愛其才而不咎也使與瑀並爲司空軍謀祭酒  
管記室軍國書檄多琳瑀所作琳作諸書及檄草成呈操  
操先苦頭風是日疾發臥讀琳所作翕然起曰此愈我病



又嘗使瑀作書與韓遂時操近出瑀隨從因與馬上呈草操擘筆欲有所定而竟不能增損琳徙門下督瑀爲倉曹掾屬瑒瑒各被辟用瑀以十七年卒祭以二十一年從征吳道病卒幹琳瑒瑒二十二年卒觀曹丕書與元城令吳質及典論論文可見矣潁川邯鄲淳字子叔博學有才又善蒼雅蟲篆許氏云初平時客荊州曹操素聞其名召與相見甚敬異之遣詣植植得淳甚喜延入坐未與談時天暑植呼常從取水澡訖傅粉科頭拍袒胡舞五椎鍛跳丸擊劍誦俳優小說數千言謂淳曰邯鄲生何如於是乃着衣幘整儀容與淳評說混元造化之端品物區別之意然



後論羲皇以來賢聖名臣烈士之優劣、次頌古今文章賦  
誄、及當官政事所宜、又論用武行兵倚伏之勢、乃命厨宰  
酒炙交至、坐席默然、無與侘者、及暮淳歸、對其所知、歎植  
之材、謂之天人焉、陳畱路粹十九年轉秘書令、從大軍至  
漢中、坐違禁賤、請驢伏法、魚豢曰、尋省往者、魯連鄒陽之  
徒、援譬引類、以解締結、誠彼時文辯之雋也、今覽王徐阮  
陳路諸人前後文旨、亦何昔不若哉、余竊怪其不甚見用、  
以問大鴻臚韋仲將、仲將云、仲宣傷於肥、贛休伯都無格、  
檢、元瑜病于體弱、孔璋實自麤疏、文蔚性頗忿鷙、如是彼  
爲、非徒以脂燭自煎糜也、其不高蹈、盖有由矣、然君子不



責備於一人、譬之朱漆、雖無楨幹、其爲光澤、亦可壯觀、沛國丁儀、丁廙、弘農楊修、河內荀緯、亦有文采、而不在此七人之列、瑒弟璩、璩子貞、亦以文章顯。

### 張華

張華、字茂先、范陽人。華初未知名、著鷦鷯賦、以自寄。阮籍見之、歎曰、王佐之才也。晉篡位、拜黃門侍郎。武帝嘗問漢宮室制度、及建章千門萬戶、華應對如流、畫地成圖、左右屬目、帝甚異之。數歲、拜中書令、吳滅、封廣武縣侯。華名重一世、當時詔誥、皆所草定、聲譽益盛。而荀勗自以大族恃恩、憎疾之。出華都督幽州諸軍事。未幾、朝議欲徵入相、而



馮紆又害之故終武帝之世華只以列侯朝見惠帝卽位  
華爲太子太傅與王戎裴楷何嶠俱以德望爲楊駿所忌  
駿誅楚王瑋稱受密詔殺太宰汝南王亮太保衛瓘等內  
外兵擾朝廷大恐華白帝曰瑋矯詔擅害三公將士倉卒  
謂是國家之意故從之耳今可遣騶虞幡使外軍解嚴理  
必風靡上從之瑋兵果敗瑋誅華以功拜侍中代下邳王  
晃爲司空領著作郎初趙王倫爲鎮西將軍擾亂關中氏  
羌反叛故以梁王彤代之倫旣還諂事賈后因求爲尚書  
令華與裴頠固執不可時華見劒穿屋而飛莫知所向所  
封壯武郡有桑化爲栢舍監省日數有妖怪少子躃以中



台星折勸華遜位不從及倫秀將廢賈后秀使司馬雅夜  
告華曰今社稷將危趙王欲與公共匡朝廷爲霸者之事  
華距之雅怒曰刃將加頸而吐言如此不顧而出華方晝  
臥忽夢見屋壞覺而惡之是夜難作詐稱詔召華遂與裴  
頤俱被收夷三族時年六十九華性好人物至于窮賤候  
門之士有一善便咨嗟稱詠爲之延譽雅愛書籍嘗徙居  
載三十乘秘書監摯虞撰定官書皆資之以取正焉天下  
竒秘世所希有者悉在華所惠帝中人有得鳥毛三丈以  
示華華慘然曰此謂海鳬毛也出則天下亂矣陸機嘗餉  
華鮓于時賓客滿坐華發器便曰此龍肉也試以苦酒濯



之必有異。既而五色光起。機還問鮓主。果云園中茅積下。得一白魚。質狀殊常。故以作鮓相獻耳。武庫封閉甚密。其中忽有雉雊。華曰。此必蛇化爲雉也。開示。雉側果有蛇蛻。吳郡臨平岸崩。出一石鼓。槌之無聲。帝以問華。華曰。可取蜀中桐林。刻爲魚形。扣之則鳴矣。於是如其言。果聲聞數里。初。吳之未滅也。斗牛之間。常有紫氣。術者皆以吳方強盛。華以爲不然。及吳平。紫氣愈明。豫章人雷煥。妙達緯象。華要煥宿。獨共登樓。仰視煥曰。斗牛之間。頗有異氣。華曰。是何祥也。煥曰。寶劔之精上徹于天耳。華曰。在何所。煥曰。在豐城。華卽補煥爲豐城令。煥到掘獄屋基。入地四丈餘。



得一石函，光氣非常，中有雙劍，並刻題，一曰龍泉，一曰太阿。其夕，斗牛間氣遂不復見。煥以南昌西山北巖下土拭劍，光彩艷發，大盆盛水，置劍其上，視之者精芒炫目，皆怪以爲神物也。遣使送一劍，並土與華，留一自佩。或謂煥曰：「得兩送一可乎？」煥曰：「本朝將亂，張公當受其禍。此劍當繫徐君墓樹耳。靈異之物，終當化去，不永爲人服也。」華得劍，寶愛之，嘗置坐側。華以南昌土不如華陰土，報煥書曰：「詳觀劍文，乃干將也。莫邪何復不至？雖然，天生神物，終當復合。因以華陰土一斤致煥，煥更以拭劍，倍益精明。華誅失劍所在，煥卒。子華爲州從事，持劍行經延平津，劍忽于腰。」



間躍出入水使人沒水取之不見劍但見兩龍各長數丈蟠索有文章沒者懼而反須臾光彩照水波浪驚沸遂失劍雷華歎曰先君化去之言張公終合之論此其驗乎

### 陸機

陸機字士衡吳郡人也身長七尺其聲如鐘父抗卒機領父兵爲牙門將年二十而吳滅機退居舊里閉門勤學積十年乃述其祖父功業作辯亡論二篇太康末機與弟雲入洛造太常張華華素重其名曰伐吳之役利獲二俊趙王倫輔政引爲相國參軍豫誅賈謐功賜爵關內侯倫將篡位以爲中書郎倫之誅也齊王冏以機職在中書九錫



文及禪詔疑機與焉遂收機等付廷尉賴成都王穎收理之得減死徙邊遇赦而止時中國多難顧榮戴若思等咸勸機還吳機負其才望不從成都王穎勞謙下士機感全活之恩謂穎必能康隆晉室遂委身事之穎以機參大將軍事表爲平原內史太安初穎與河間王顥起兵討長沙王乂假機後將軍河北大都督督比中郎將王粹冠軍牽秀等諸軍二十餘萬人機鄉人孫惠勸機讓都督于粹機又不從穎左長史盧志心害機寵屢譖害之機始臨戎而牙旗折意甚惡及長沙王乂奉天子與機戰于鹿苑機軍遂大敗歿者如積初宦人孟玖弟超並爲穎所嬖超領萬



人爲小都督、未戰縱兵大掠、機錄其王者、超將鐵騎百餘人直入機麾下、奪之、顧謂機曰、貉奴能作督不、機司馬孫○見○拯勸機殺超、機又不能用、超宣言曰、陸機將反、又爲書與玖言、機持兩端及戰、超不受節度、輕兵獨進而沒、玖疑機殺之、遂譖機于穎、言機有異志、故穎發怒、使牽秀密收機其夕、機夢黑幘繞車、手決不開、天明而秀兵至、機釋戎服、着白帢、與秀相見、因與穎牋、極其悽慘、乃歎曰、華亭鶴唳、可復聞乎、遂遇害、年四十三、二子蔚、夏亦歿、是日昏霧晝合、大風折木、平地尺雪、議者以爲陸氏之冤云、機天才秀逸、辭藻宏麗、張華嘗曰、人之爲文、常恨才少、而子更患其



多弟雲與書曰君苗見兄文輒欲燒其筆硯君苗應璩從弟也後葛洪著書以爲機文猶玄圃之積玉無非夜光其弘麗妍瞻美銳漂逸亦一代之絕乎其爲人所推服如此

### 左思

左思字太冲臨淄人其先齊之公族有左右公子故因以爲氏焉父雍官至殿中侍御史思少學鍾胡書又學鼓琴瑟皆不成雍謂其友人曰思所曉解不及我也思遂感激勤學兼善陰陽之術貌寢口訥而詞藻壯麗造齊都賦一年乃成復欲賦三都構思十年門庭藩溷皆著筆紙得一句卽疏之復以所見不博求爲秘書郎及賦成思自爲不



謝班張而時未之重思聞安定皇甫謐有高譽乃造而示之謐大稱善遂爲之序繼而張載劉逵衛瓘張華等經學名公咸共稱述于是豪貴之家競相傳寫洛陽爲之紙貴初陸機入洛欲爲此賦聞思有作與弟雲撫掌笑曰此間有傖父欲作三都賦須其成當以覆酒甕也及賦出機歎服自以爲不能加焉齊王冏命爲記室辭不就終于家

### 謝靈運

靈運玄之孫也靈運與顏延之皆爲江左第一議者謂靈運縱橫俊發過延之而深密不如誠然乎否靈運以見愛從叔謝琨襲封康樂公性豪侈好鮮麗車服衣物多改舊



制宋受命靈運爲太子左衛率少帝卽位權在大臣靈運  
好非毀執政司徒徐羨之等患之出爲永嘉太守郡有名  
山水靈運肆意遊遨徧歷諸縣動踰旬朔在郡一周稱疾  
去以父祖葬始寧縣有故宅及墅乃移籍會稽修理舊業  
與隱士王弘之等放盪爲娛每有詩一首至都下貴賤莫  
不競寫及徐羨之等誅乃徵爲秘書監令撰晉書未就遷  
侍中靈運工書作文竟便自寫故文帝稱爲二寶每自以  
名輩應參時政王曇首殷景仁等名位不踰而並見任遇  
于是稱疾不朝穿池種竹驅課公役無復期度出郭遊行  
經旬不歸旣無表聞又不請急文帝不欲傷之但諷旨令



白解靈運乃表陳疾得假卽東而游娛宴集以夜續晝復  
爲御史中丞傳隆奏黜時元嘉五年也靈運旣東與族弟  
惠連東海何長瑜共爲山澤之游惠連有奇才不爲其父  
方明所知靈運初去永嘉還始寧方明時爲會稽靈運造  
方明見惠連又見何長瑜在惠連所乃語方明曰阿連才  
悟如此而尊作常見遇之長瑜當今仲宣而尊長飴以下  
客之食旣不能禮賢宜以長瑜還我便共載去旣因祖父  
之資生業厚甚奴僮衆多義從門生數百鑿山浚湖功役  
無已每尋山陟嶺必造幽峻常著木屐上山則去前齒下  
山則去後齒一日自始寧南山伐木開徑直至臨海太守



王琇大驚、以爲山賊也、會稽太守孟顗素爲靈運所輕、嘗語顗曰、得道應須慧業文人生、天當在靈運前、成佛必在靈運後、顗深恨之、會會稽東郭有回踵湖、靈運求決爲田、文帝令州郡履行、顗言此湖近郭、水物所出、百姓惜之、旣不得回踵、復求始寧休嶁、顗又執不與、而奏言靈運有異志、靈運乃馳詣闕、自陳文帝知其見誣、不罪也、更以爲臨川內史、而靈運在郡游放、不異永嘉、又爲有司所糾、文帝乃遣收之、于是靈運遂舉兵反、詩曰、韓亡子房奮、秦帝魯連耻、本自江海人、忠義感君子、禽送廷尉、廷尉論斬、帝愛其才、降歿、徙廣州、後獲同謀者、乃詔于廣州棄市、臨刑歎



曰龔勝無餘生。李業有終盡稽公理。既迫霍生命亦殞。時元嘉十年也。年四十九。

顏延之 劉穆之附

顏延之字延年。瑯琊人。顏之少孤貧。居負郭。好讀書飲酒。不護細行。宋武帝受命。補太子舍人。時尚書令傅亮自以文義爲一時之選。而延之負其才。不爲之下。甚疾之。徐羨之等亦疑延之爲同異。少帝卽位。遷始安太守。領軍謝晦謂之曰。昔荀勗忌阮咸。斥爲始平郡。今卿又爲始安。可謂二始矣。黃門郎殷景仁曰。人惡俊異。世疵文雅。無足怪也。元嘉三年。羨之等誅。徵爲中書侍郎。轉太子中庶子。領步



兵校尉劉湛言於彭城王義康復出爲永嘉太守。延之乃作五君詠以見志。詠嵇康云：鸞翮有時鍛，龍性誰能馴。詠阮籍云：物故不可論，窮途能無慟。詠阮咸云：屢薦不入宮，一麾乃出守。詠劉伶云：韜精日沈飲，誰知非荒宴。獨山濤王戎以貴顯被黜，不與五君之列。湛及義康見之大怒，欲黜爲遠郡。于是延之屏居不豫人事者七載。文帝嘗召延之，問以諸子才能。延之曰：竣得臣筆，測得臣文，奐得臣酒。何尚之嘲之曰：誰得臣狂？延之曰：其狂不可及也。劉湛誅延之爲御史中丞，遷國子祭酒。延之性褊激，兼有酒過。阮肆意直言，無所回互。故論者謂爲顏彪，但居身儉約，不營



財利布衣疏食酣醉郊原而已孝武登祚竣已貴重竣有  
所供皆不受器服不改宅宇如常一日乘羸牛車逢竣鹵  
簿來前延之急趨屏道側後見竣語曰平生不喜見貴人  
今者不幸見汝矣見竣起宅則曰善爲之無令後人笑汝  
拙也有愛姬恃寵盪延之墜牀竣怒殺姬延之大痛惜坐  
靈牀哭曰貴人殺汝非我殺汝忽見姬排屏風壓之懼而  
墜地因病卒年七十二延之與謝靈運俱以文采齊名而  
遲速不同文帝嘗各敕擬樂府北上篇延之受詔便成靈  
運久之乃就嘗問鮑照以已與靈運照曰謝五言如初日  
芙蓉自然可愛君詩若鋪錦列繡亦雕績滿眼延之大以



爲恨平生每薄湯惠休。謂人曰：「惠休制作，委巷中歌謠耳。然是時議者，皆以延之靈運自潘岳陸機之後，文士莫及也。」江北稱潘陸，江左稱顏謝。

劉穆之，字道民。劉裕克京城，問何無忌曰：「急須一主簿，何由得之？」無忌曰：「無過劉道民矣。」時穆之聞京城有叫譟之聲，晨起出陌頭，屬與信會。穆之嘿視不言者久之。旣而反室，壞布囊爲袴，往見劉裕。裕謂之曰：「我始舉大義，須一軍吏甚急。」卿謂誰堪其選？穆之曰：「貴府始建，倉卒用人，當無見踰者。」裕大笑，卽于坐受署。從平京邑，獲大處分，遂委以腹心之任。動止咨焉。穆之亦竭節盡誠，無所遺隱。是時晉



網寬弛、威禁不行、盛族豪右、負勢陵縱、小民窮蹙、自立無  
所、重以司馬元顯政令違舛、桓玄科條繁密、穆之斟酌時  
宜、隨方矯正、不盈旬日、風俗頓改、楊州刺史王謐薨、裕以  
次應入輔、劉毅等不欲、議以中領軍謝混爲楊州、又欲令  
裕于丹陽領州、而以內事付尚書僕射孟昶、遣尚書右丞  
皮沈以二議咨裕、穆之密白裕曰、晉朝失政、非復一日、加  
以桓玄篡奪、天命已移、公興復皇祚、勲高萬古、既有大功、  
便有大位、今日形勢、豈得居謙、自弱、復爲守藩之將邪、劉  
孟諸公、與公俱起、皆欲匡主成勲、以取富貴、事有前後、故  
一時推功、非爲委體、心服宿定、臣主之分也、力敵勢均、終



相吞咀、楊州根本所繫、不可假人、若復他授、便應受制于人矣、今朝議如此、惟應云、神治本宰輔、崇要非可懸論、便  
蹙入朝、其盡同異、公至京、彼必不敢越公更授餘人明矣、  
裕從其言、由是入輔、穆之凡所聞見、大小必白、雖閭里言  
謔、塗陌細事、皆一一以聞、裕書素拙、穆之曰、此雖小事、然  
宣被四遠、願公小復留意、裕既不能、穆之乃曰、但縱筆爲  
大字、大既足有所包、且其名亦美、裕從之一紙、不過六七  
字、便滿、時朱齡石亦善尺牘、嘗于裕坐答書、自旦至中、穆  
之得百四、齡石亦得八十、八年、加穆之丹陽尹、裕西討  
劉毅、以諸葛長民監留府、總攝後事、裕疑長民難獨任、留



穆之以輔之、長民果有異謀、乃屏人謂穆之曰、悠悠之言、皆云太尉與我不平、穆之曰、公汴流遠、伐而以老母稚子、委節下、若一毫不盡、豈容如此、長民乃小阻、穆之亦厚爲之備、因謂所親曰、貧賤常思富貴、富貴必踐危機、今日思爲丹徒布衣、不可得也、裕還、長民被殺、進穆之前將軍、十二年、裕北伐、畱世子爲中軍將軍、監太尉、畱府、轉穆之左僕射、領監軍中軍二府軍司、甲仗五十人、入居東城、穆之內總朝政、外供軍旅、斷決如流、事無擁滯、賓客輻輳、求訴百端、內外諮稟、盈階滿室、目覽辭訟、手答牋書、耳行聽受、口並酬應、不相參涉、皆悉贍舉、十三年卒、年五十八、裕在



長安聞問驚慟及代晉每歎憶之曰穆之不死當助我理天下復曰穆之死人輕易我其見思如此穆之誕節貧時好往妻家乞食其妻江嗣女江氏每有慶會妻屬令勿往穆之故往食畢又求檳榔江氏兄弟戲之曰檳榔消食君何須此及穆之爲丹陽尹召妻兄弟宴飲至醉乃以金杵貯檳榔一斛遺之不必

### 鮑照

鮑照字明遠東海人文詞瞻逸尤長樂府文帝選爲中書舍人上方以文章自高頗多忌由是賦述不敢盡其才後臨海王子項鎮荊州以爲前軍參軍時江外諸王皆拒命



子頊敗遂遇害

謝朓

謝朓字玄暉齊隨王子隆鎮荊州以詞賦深被賞愛爲長史王秀之所疾出補宣城太守後遷主吏部郎永元初江祐謀立始安王遙光引以爲黨不從收下獄歿年三十六

沈約

沈約字休文吳興人齊初爲征虜記室奉侍文惠太子最親遇太子入居東宮約爲步兵校尉管書記時竟陵王招士約與王融謝朓范雲任昉蕭衍等皆與焉初蕭衍將謀大事約叩其端而不答他日又曰今與古異不可以淳風



期萬物、今童兒牧豎、悉知齊祚將終、讖云、行中水、作天子、何歷然也、衍曰、吾方思之、約曰、公初起樊沔、時應思、今王業已就、何所復思、自至京邑、氣序已移、若不早定大業、萬一天子還都、公卿在位、則君臣分定、無復敢有異圖者矣、豈復有人更同公作賊耶、約出、衍乃召范雲告之、雲對與約同、衍曰、智者乃爾、暗合耶、及衍代齊、約爲尚書僕射、天監十二年、病悸卒、年七十三、約孤貧、少時、于宗黨得米數百斛、爲宗人所侮、約遂覆米而去、性嗜學、聚書至二萬卷、謝玄暉善爲詩、任彥昇工于筆、約兼而有之、然不能過也、勅梁廢齊和帝爲巴陵王、又欲以南海郡爲巴陵國、徙王



居之約曰古今殊事魏武所云不可慕虛名而受實禍梁  
主領之乃遣鄭伯禽以醇酒進王就摺殺焉至是約夢齊  
和帝以劍斷其舌召巫視之巫言如夢約乃呼道士奏赤  
章於天稱禪伐之事全不由已故武帝謚之曰隱

### 陳子昂

陳子昂字伯玉梓州射洪人子昂年十八未知書以富家  
子尚氣決弋博後入鄉校乃感悔始讀書文明初舉進士  
時高宗崩將遷梓宮長安於是關中無歲子昂盛言東都  
勝塏可營山陵武后聖后奇其才召見金華殿子昂貌柔野少  
威儀而占對慷慨擢麟臺正字垂拱初后召見賜筆札中



書省令條上利害子昂對三事于是吐蕃九姓叛詔田楊  
名發金山道十姓兵討之十姓君長以三萬騎戰有功遂  
請入朝后責其嘗不奉命擅破回紇不聽子昂上疏曰國  
家能制十姓者繇九姓彊大臣服中國今九姓叛亡吐蕃  
喪亂君長無主回紇殘破磧北諸姓已非國有欲犄角亡  
叛唯金山諸蕃共爲形勢耳有司乃以楊名擅破回紇歸  
十姓之罪拒而遣還恐非羈戎之長策也且夷狄相攻中  
國之福今回紇已破旣無可言十姓非罪又不當絕罪止  
楊名足以慰其酋領矣后方謀開蜀山由雅州道翦生羌  
因以襲吐蕃子昂上書以七驗諫止之后復召見使論爲



政之要子昂乃奏謂今百度已備但刑急網密凡大人勅  
制天下必有凶亂叛逆之人爲我驅除以明天誅凶叛已  
滅則順人情赦過宥罪蓋刑以禁亂亂靜而刑息不爲承  
平設也遷右衛曹參軍后旣稱皇帝改號周子昂上周受  
命頌擢右拾遺子昂多病居職不樂聖曆初以父老表解  
官歸縣令段簡貪暴聞其富欲害之子昂納錢二十萬緡  
簡簿其賂捕送獄中子昂之見捕自筮卦成驚曰天命不  
祐吾殆歟乎果歿獄中年四十三子昂資褊躁然輕財好  
施篤朋友與王無競房融盧藏用最厚唐興文章承徐庾  
餘風子昂始變雅正初爲感遇詩三十八章王適曰是必



爲海內文宗

許敬宗 附李義府

敬宗杭州人善屬文貞觀中除著作郎兼修國史敬宗喜謂所親曰仕宦不爲著作無以成立門戶及駐蹕山破賊帝命草詔馬前愛其藻警由是專掌誥令高宗卽位遷禮部尚書敬宗遂以女嫁蠻酋馮盎子甚下流多私所聘爲有司所劾及帝將立武昭儀大臣切諫而敬宗獨宣言曰田舍子賸獲十斛麥尚欲更故婦天子富有四海立一后謂之不可何哉帝意遂定王后廢敬宗請削后家官爵惡人廢太子忠而立代王遂兼太子賓客進中書令乃陰連后謀逐韓瑗



來濟褚遂良殺長孫無忌上官儀朝廷重足事之威寵熾  
灼後東封次濮陽高宗問竇德玄曰此謂帝丘何也德玄  
未及對敬宗僂曰臣能知之昔帝顓頊始居此地以王天  
下其后夏后相因之爲寒浞所滅后緡方偃逃出自竇在  
此地也後昆吾氏因之而爲夏伯昆吾旣衰湯滅之其頌  
曰韋顧旣伐昆吾夏桀是也至春秋時衛成公自楚丘徙  
居之左氏稱相奪予享以舊地也由顓頊所居故曰帝丘  
帝曰書稱浮于濟漯今濟與漯斷不相屬對曰夏禹導沅  
水東流爲濟入于河今自漯至溫而入河水自此沅地過  
河而南出爲滎又沅而至漕濮散出于地合而東汶水自



南入之所謂洙爲滎東出于陶丘北又東會于汶是也古者五行皆有官水官不失職則能辨味與色潛而出合而更分皆能識之帝曰天下洪流巨谷不載祀典濟甚細而在四瀆何哉對曰瀆之言獨也不因餘水獨能赴海者也且天有五星運而爲四時地有五嶽流而爲四瀆人有五事用而爲四肢五陽數也四陰數也有奇偶陰陽焉陽者光耀陰者晦昧故辰隱而難見濟潛流屢絕狀雖微細獨而尊也帝曰善敬宗退而自矜曰大臣不可無學向者德玄不能對吾耻之始虞世基與敬宗父善心同爲李密賊害封德彝嘗曰昔吾見世基歿世南匍匐請代善心歿敬



宗舞蹈求生世以爲口實敬宗銜之敬宗娶尉遲敬德女孫而女嫁錢九隴子九隴本高祖隸奴也敬宗第舍華僭至造連樓使諸妓走馬其上縱酒奏樂自娛嬖其婢因以爲繼室子昂丞之敬宗怒奏斥昂領外父乃表還咸亨初以特進致仕卒年八十一太常博士袁思古議曰敬宗棄子荒徼女嫁蠻落謚曰繆其孫彥伯訴于朝有詔更議博士王福時曰何曾忠孝以日食萬錢猶謚繆醜况敬宗忠孝兩棄乎執不改彥伯昂子也頗能文敬宗晚年不復下筆凡大典冊悉彥伯爲之敬宗嘗戲昂曰吾兒不及若兒昂荅曰渠父不如昂父彥伯累官太守舍人旣與思古有



憾每欲邀擊諸路。思古曰：吾爲先子報讐爾。彥伯慙而止。李生曰：世謂晉人多風致，何曾日食萬錢，風致尚矣。曾嘗指諸孫曰：爾輩必及于難。懷愍二主首領不保，何有于金谷園？何有于石季倫、潘安仁、張茂先、陸士衡諸名士等哉？然則曾之智早矣。予故稱之曰智君，而改謚曰明哲。

義府、貞觀中對策中第。劉洎、馬周更薦之。太宗召見，除舍人，得侍太子，與司議郎來濟俱以文翰顯。時稱來李焉。高宗立，遷中書舍人，兼修國史，爲長孫無忌所惡，斥壁州司馬。詔未下，義府問計於舍人王德儉。德儉者，許敬宗甥，癯而有智。因與謀曰：武昭儀方有寵于上，上欲立爲后，畏宰



相議蓄而未發、君能建白、立爲后、轉禍爲福、在此時也、義

總只面皮厚耳不足稱有智也

府卽代德儉直夜叩閣上表請廢后立昭儀帝大悅賜珠  
一斗遂停司馬詔書留復侍武后已立義府與敬宗德儉  
遂相濟爲姦惡矣義府貌柔恭與人言嬉怡微笑而陰賊  
褊忌著于心凡忤意者皆中傷之時號義府笑中刀又以  
柔而害物號曰人貓洛州女子淳于以姦繫大理義府聞  
其美屬丞畢正義出之納以爲妾後事聞有詔鞠治義府  
計窮遂逼正義縊歿獄中未幾進中書令後除名流嶺州  
憤恚歿子洽洋流延州津流振州壻元貞亦流延州三子  
及壻同日流竄人以爲誅四凶云



張說

張說洛陽人武后策賢良方正說對第一授太子校書郎擢鳳閣舍人張易之誣陷魏元忠說廷對忤后旨流欽州睿宗卽位玄宗爲太子說與褚無量侍讀尤見親禮踰年進同平章事兼修國史景雲三年玄宗卽皇帝位太平公主引蕭至忠崔沔爲宰相說罷政事爲東都畱守至忠等已誅乃召說爲中書令封燕國公始武后末年爲澄塞胡戲至是因四夷來朝復爲之說上䟽曰韓宣適魯見周禮而歎孔子會齊數倡優之罪今四夷請和使者入謁當接以禮樂示以兵威雖曰戎馬焉知無駒支之辯由余之賢



哉且乞寒潑胡未聞典故裸體跳足汨泥揮水盛德何觀  
焉恐非干羽柔遠樽俎折衝之道帝納之說與姚崇不合  
又罷爲相州刺史徙岳州說旣失意內自懼雅與蘇瓌善  
時瓌子頤爲相說因作五君詠其一詠瓌也候瓌忌日使  
人獻頤頤覽詩嗚咽因見帝稱說忠勲不宜棄外說遂遷  
荊州長史俄檢校幽州都督入朝以戎服見帝大喜授檢  
校并州長史兼修國史勅齋藁卽軍中論議初諸衛府兵  
自成丁從軍卒而免其家不免雜徭浸以貧弱逃亡略盡  
百姓苦之說建議請召募壯士克宿衛不問色役優爲之  
制逋逃者必爭出應募上從之旬日得精兵十三萬分隸



諸衛更番上下後所謂驍騎者也。既而代張嘉貞爲中書令，上置麗正書院，聚文學之士，以張說爲修書使，以總之。總不吃有司供給優厚，中書舍人陸堅以爲此屬無益於國，徒爲糜費。飯好矣說曰：自古帝王莫不崇宮室，廣聲色，今天子獨延禮文儒，發揮典籍，所益者大，所損者微。陸子之言，何不達也！十三年，張說以大駕東巡，恐突厥乘間入寇，召兵部郎中裴光庭謀之。光庭曰：封禪告成功也，今將升中於天而戎狄是懼，豈所以昭盛德乎？說曰：然則如之何？光庭曰：四夷之中，突厥爲大，比屢求和親而朝廷未許，今遣一使徵其大臣，從封泰山，彼必欣然承命。突厥來則戎狄君長無不



皆來可以偃旗臥鼓高枕有餘矣。說曰：善。卽奏行之。說有材智而好賄。百官白事有不合者，多面折叱罵。然朝廷大述作，多出其手。爲文屬思精壯，長于碑誌。旣謫岳州，詩益悽惋。始帝欲授說大學士，辭曰：學士本無大稱。中宗崇寵大臣，乃有之。固辭。後宴集賢院，故事官重者先飲。說曰：儒以道相高，不以官閥爲先後。太宗時修史十九人，長孫無忌以元舅，每宴不肯先舉爵。於是引觴同飲。時服其有體。

### 蘇頲

蘇頲，武功人。一覽至千言，輒覆誦。第進士，調烏程尉。吏部侍郎馬載曰：古稱一日千里。蘇生是已。拜中書舍人。時頲



父瓌同中書門下三品父子同在禁苑朝廷榮之玄宗平  
內難書詔填委獨頴在太極後閣口所占授功狀百緒輕  
重無差書吏白曰丐公徐之不然手腕脫矣中書令李嶠  
曰舍人思若湧泉吾所不及詔以頴爲中書侍郎加知制  
誥給政事食給食自頴始時李又對掌書命帝曰前世李  
嶠蘇味道號蘇李今朕得頴及又何愧前人哉俄襲封許  
國公時詔立靖陵碑命頴爲之詞頴辭曰前世帝后未嘗  
志碑事弗稽古謂之不法審當可者祖宗諸陵皆須營立  
矣開元四年進同紫薇黃門平章事修國史與宋璟同當  
國璟剛正多所裁決頴能推其長在上前敷奏璟或未及



或少屈頰輒助成之、有不會意頰更申執、故上未嘗不從、  
百代可法二人相得歡甚、璟嘗曰、吾與蘇氏父子同爲宰相、僕射長  
厚、自是國器、若獻可替否、事至卽盡斷、公不顧私、則今丞  
相爲過之、八年罷爲禮部尚書、俄檢校益州大都督、長史  
按察節度劔南諸州、詔頰收劔南山澤鹽鐵、自贍、頰尚簡  
靜、重興力役、卽募戍人輸顧直、開井置鑪量、入計出分、所  
贏市穀以廣見糧、時使蜀者檄取庫錢、市帛半臂、琵琶捍  
撥、玲瓏鞭、頰不予、雋州蠻苴院與吐蕃共謀入寇、獲其間  
謀、將吏請討之、頰不聽、移書還其謀、曰、母得爾、苴院愧阻  
從封泰山、詔頰朝覲壇、還分主十銓事、卒年五十八、帝猶



視朝起居舍人韋述上疏曰貞觀永徽時大臣薨輒置朝  
舉哀成終始恩故禮部尚書頌奉事軒陛二十餘年今奄  
忽不還邦人痛嗟惟惟蓋之舊股肱之威宜卽退朝以明  
君臣之誼帝曰朕意也卽日帳哭洛城南門自景龍後與  
張說以文章顯稱望略等故時號燕許大手筆帝愛其文  
曰卿所爲詔令當別錄副本署臣某撰朕當畱中後遂爲故事其後  
李德裕著論曰近世詔誥惟頌敘事外自爲文章云

張九齡

張九齡字子壽韶州人七歲知屬文十三以書干廣州刺史王方慶方慶歎曰是必致遠會張說謫嶺南一見厚遇



之擢進士、調校書郎、以道侔伊呂科、策高第、爲左拾遺、時  
玄宗卽位、未郊見、九齡建言、天百神之君、王者所由受命  
也、陛下紹休聖緒、于今五載而未行大報、怠於事天、不可  
又言六合元元之衆、懸命於縣令、宅生於刺史、古者刺史  
入爲三公、郎官出宰百里、臣謂欲治之本、莫若重守令、宜  
遂科定其資、凡不歷都督刺史、雖有高第、不得任侍郎列  
卿、不歷縣令、雖有善政、不得任臺郎給舍、又古之選士、惟  
取稱職、今天下不必治於上古、而事務十倍於前、誠以不  
正其本、而設巧於末也、所謂末者、吏部條章、舉羸千百、刀  
筆之人、溺於文墨、臣以謂始造簿書、備遺忘爾、今反求精



於案牘而忽於人才是所謂遺劍中流契舟以記者也時  
張說爲宰相親重之與通譜系嘗曰後出詞人之冠也遷  
中書舍人說又薦九齡可備顧問說卒天子思其言召爲  
秘書少監遷工部知制誥九齡數乞歸養不許上乃以其  
弟九臯九章爲嶺南刺史歲時聽給驛省家旣又遷中書  
侍郎以母老解是歲奪哀拜中書侍郎同中書門下平章  
事李林甫忌之會范陽節度使張守珪以斬可突干功上  
欲以爲侍中九齡曰宰相代天治物不可以賞功帝曰假  
其名若何對曰名器不可假也有如平東北二虜陛下何  
以加之遂止二十四年上將以涼州都督牛仙客爲尚書



九齡曰尚書古納言唐家用舊相仙客河湟一使爾使班常伯天下其謂何又欲賜仙客實封九齡曰漢法非有功不封唐遵漢法太宗之制也邊將積穀帛繕器械適所職爾陛下賞以金帛可也裂地則不宜帝怒曰豈以仙客寒士嫌之耶卿固素有門閥哉翌日李林甫進曰仙客宰相材也九齡文吏拘古義失大體上由是決用仙客九齡內懼恐遂爲林甫所中因上賜白羽扇乃獻賦自況其末曰苟效用之得所雖殺身又何怨又曰縱秋氣之移奪終感恩於篋中上雖優荅然卒以尚書右丞相罷政事而用仙客久之貶荊州長史請還展墓病卒年六十八九齡體



弱有醞籍故事公卿皆搢笏于帶而後乘馬九齡獨使人持之因設笏囊自九齡始後上每用人必曰風度能若九齡乎上于秋節羣臣並獻寶鑑九齡獨上事鑒十章號千秋金鑑錄以伸諷諭武惠妃謀陷太子瑛九齡執不可妃密遣宦奴告之曰廢必有興公爲援宰相可長處也九齡叱之曰房帷中安得有外言遽奏上帝爲動色故卒九齡相而太子無患安祿山初以范陽偏校入奏氣驕蹇九齡謂裴光庭曰亂幽州者此胡雛也及討奚契丹祿山恃勇輕進爲虜所敗節度使張守珪奏斬之祿山臨刑呼曰大夫不欲滅奚契丹邪奈何斬祿山守珪亦惜其驍勇執送



京師九齡署其狀曰穰苴出師而誅莊賈孫武習戰猶戮宮嬪守珪法行於軍祿山不容免死帝亦惜其才勅令免官而以白衣將領九齡固爭曰祿山狼子野心有逆相宜卽事誅之以絕後患帝曰卿勿以王衍識石勒而害忠良卒不聽帝後在蜀思其忠爲泣下遣使祭韶州恤其家開元後天下稱曰曲江公而不名也

李白 附張旭裴旻

李白字太白白之生母夢長庚星因以命之旣長隱岷山州舉有道不應蘇頲爲益州長史見白異之曰是子天才英特少益以學可比相如然喜縱橫擊劒爲任俠輕財重



施更客任城、與孔巢父等五人、居徂來山、日沈飲號竹溪六逸、天寶初、南入會稽、與吳筠善、筠被召、故白亦至長安、往見賀知章、知章見其文、歎曰、子謫仙人也、言於玄宗、召見金鑾殿、論當世事、奏頌一篇、帝賜食、親爲調羹、有詔供奉翰林、白猶與飲、徒醉於市、帝坐沈香子亭、意有所感、欲得白爲樂章、召而入、白已醉、左右以水頰面、稍解、授筆成文、婉麗精切、帝愛其才、數宴見、白嘗侍帝醉、使高力士脫鞵、力士素貴、耻之、擿其詩以激楊貴妃、帝欲官白、妃輒沮止、白自知不爲親近、所容益驚、放不自修、與知章李適之、汝陽王璣、崔宗之、蘇晉、張旭、焦遂爲酒中八仙人、懇求還



山帝賜金放還。白浮遊四方。嘗乘月與崔宗之自采石至金陵。着宮錦袍。坐舟中。旁若無人。安祿山反。轉側宿松匡廬間。永王璘辟爲府僚佐。璘起兵。逃還彭澤。璘敗。當誅。初。白游并州。見郭子儀。竒之。儀嘗犯法。白爲救免。至是。子儀請解官以贖。有詔長流夜郎。會赦還尋陽。坐事下獄。時宋若思將吳兵三千起河南道尋陽。釋白囚。辟爲參謀。未幾。辭職。李陽冰爲當塗令。白依之。代宗立。以左拾遺召。而白已卒。年六十餘。白晚好黃老。度牛渚磯。至姑孰。悅謝家青山。欲盡焉。及卒。葬東麓。元和末。宣歙觀察使范傳正祭其冢。禁樵採。訪後裔。惟孫女嫁爲民妻。進止仍有風範。因泣。

好漢識好漢



曰先祖志在青山頃葬東麓非本意傳正爲改葬立二碑  
因告二女將改妻士族辭以孤窮失身命也不願更嫁傳  
正嘉歎爲復其夫徃役傳正作李太白墓志云白嘗欲一  
鳴驚人一飛冲天彼漸陸遷喬皆不能也及其謫退乃歎  
曰千鈞之弩一發百中則當摧撞折牙而求息機安能效  
碌碌者蘇而復上哉用是脫屣軒冕釋羈韁鎖因肆性情  
大放于宇宙意欲耗壯心而遣餘年此數語足以盡太白  
爲人矣任華送李白之漕南序曰彼碌碌者徒見三河之  
遊倦百鎰之金盡乃議子於得失虧成之間曾不知才全  
者無虧成志全者無得失進與退于太白乎何有以上諸



文附見李白集古本有之今不傳矣文宗時詔以白歌詩  
裴旻劒舞張旭草書爲三絕旭蘇州吳人嗜酒每大醉呼  
叫狂走乃下筆或以頭濡墨而書旣醒自視以爲神不可  
復得也世呼張顛初仕爲常熟尉有老人陳牒求判宿昔  
又來旭怒其煩責之老人曰觀公筆奇妙欲以藏家耳旭  
因問所藏盡出其父書旭視之天下奇筆也自是盡其法  
旭自言始見公主擔夫爭道又聞鼓吹而得筆法意觀倡  
公孫舞劒器得其神後人論書歐虞褚陸皆有異論至旭  
無非短者傳其法惟崔邈顏真卿云

旻嘗與幽州都督孫佺北伐爲奚所圍旻舞刀立馬上矢



四集皆迎刀而斷奚大驚引去後以龍華軍使守北平北  
平多虎旻善射一日得虎三十休山下有老父曰此彪也  
稍北有真虎使將軍遇之且敗旻不信怒馬趨之有虎出  
叢薄中小而猛據地而大吼旻馬辟易弓矢皆墮自是不  
復射是亦摧撞息機者也



藏書儒臣傳卷三十九

詞學儒臣

杜甫

杜甫字子美京兆人甫少貧客吳越齊趙間李邕奇其才  
先往見之舉進士不中第困長安天寶十三載玄宗朝獻  
太清宮饗廟及郊甫奏賦三篇奇之使待制集賢院改右  
衛率府胄曹參軍數上賦頌因高自稱道且言先臣恕預  
以來承儒守官十一世迨臣祖審言以文章顯中宗時臣  
賴緒業自七歲屬辭且四十年然衣不蓋體常寄食於人  
竊恐轉死溝壑伏惟天子哀憐之若令執先臣故事拔泥



塗之久辱則臣之述作雖不足鼓吹六經至沈鬱頓挫隨時敏給楊雄枚臯可企及也有臣如此陛下其忍棄之會

祿山亂天子走蜀南避地三川肅宗立自鄜州羸報奔行

在爲賊所得至德二年亡走鳳翔上謁拜右拾遺與宰相

房琯爲布衣交琯時敗陳濤斜以客董廷蘭故罷相甫上

初脫奴難幸得一官便救人耶

疏言罪細不宜免大臣帝怒詔三司雜問宰相張鎰曰甫

若抵罪絕言者路帝乃解甫謝且稱琯宰相子少自樹立

有大臣體觀其深念主憂義形於色廷蘭託琯門下貧疾

昏老依倚爲非琯愛惜人情一至玷汙臣歎其功名未就

志氣挫衄覬陛下棄細錄大所以冒死稱述涉近訐激違

此○等○心○腸○豈○容○世○哉○



忤聖心耳。後從帝還京師，乃出爲華州司功參軍。時關輔饑，甫棄官去，客秦州，負薪採橡栗自給。流落劍南，結廬成都西郭，召補京兆功曹參軍，不至。會嚴武節度東西川，甫往依焉。武再帥劍南，表甫爲參謀檢校工部員外郎。武以世舊待甫甚善，親詣其家。甫見之，或時不巾，嘗醉登武牀，瞪視曰：「嚴挺之乃有此兒！」武卒，崔旰等亂，甫往拜梓夔間大曆中，出瞿唐，下江陵，沂沅湘，以登衡山。因客耒陽，游嶽祠。大水遽至，涉旬不得食。縣令具舟迎還，饋之牛炙白酒。甫大醉一夕，卒。甫少與李白齊名，時號「李杜」。嘗從白及高適過汴州，酒酣登吹臺，慷慨懷古人，莫測也。昌黎韓愈曰：



李杜文章在、光焰萬丈長、元稹作子美墓誌、曰余讀詩至杜子美、而知古人之才、蓋有所總萃焉、始堯舜君臣、以賡歌相和、是後詩人繼作、歷夏殷周千餘年、仲尼緝拾選練、取其干預教化之尤者、三百篇、其餘無聞焉、騷人作、而怨憤之態繁然、猶去風雅日近、秦漢已還、采詩之官既廢、天下俗謠、民謳歌、頌諷賦曲、度嬉戲之詞、亦隨時間作、至漢武帝賦、柏梁詩、而七言之體興、蘇子卿、李少卿之徒、尤工爲五言、雖句讀音律、各異雅鄭之音、亦雜而詞意闊遠、指事言情、自非有爲而爲、則文不妄作、建安之後、天下文士、遭罹兵戰、曹氏父子、鞍馬間、往往橫槊賦詩、故其遒文壯



節、揚、抑、怨、哀、悲、離、之、作、尤、極、於、古、晉、世、風、槩、稍、存、齊、宋、之、  
間、教、失、根、本、士、子、以、簡、慢、矯、飾、舒、徐、相、尚、又、章、以、風、容、色、  
澤、放、曠、精、清、爲、高、蓋、吟、寫、性、靈、流、連、光、景、之、文、也、意、義、格、  
力、固、無、取、焉、陵、遲、至、於、梁、陳、淫、艷、刻、飾、佻、巧、小、碎、之、詞、劇、  
又、宋、齊、之、所、不、取、也、唐、興、學、宮、大、振、歷、世、之、文、能、者、互、出、  
而、又、沈、宋、之、流、研、練、精、切、穩、順、聲、勢、謂、爲、律、詩、由、是、而、後、  
文、體、之、變、極、焉、然、而、好、古、者、遺、近、務、華、者、去、實、放、齊、梁、則、  
不、逮、於、魏、晉、工、樂、府、則、力、屈、於、五、言、律、切、則、骨、格、不、存、間、  
暇、則、纖、穠、莫、備、至、于、子、美、蓋、所、謂、上、薄、風、雅、下、該、沈、宋、才、  
有、蘇、李、氣、吞、曹、劉、掩、顏、謝、之、孤、高、雜、徐、庾、之、流、麗、盡、得、古、



人之體勢、而兼昔人之所獨專矣。故予謂詩人以來、未有如子美者。是時山東人李白、亦以奇文取稱。余觀其壯浪縱恣、擺去拘束、模寫物象、及樂府歌詩、誠亦差肩於子美矣。至若鋪陳終始、排比聲韻、大或千言、次猶數百、詞氣奮邁、而風調清深、屬對律切、而脫棄凡近、則李尚不能歷其藩翰、况壺奧乎。

王維

王維字摩詰、與弟縉齊名。開元初擢進士、右拾遺、遷給事中。安祿山反、維爲賊得、以藥下利陽瘖。祿山素知其木、迎置洛陽。祿山大宴凝碧池、悉召梨園諸工合樂。維聞之、賦



詩悼痛聞于行在賊平下獄弟縉請削官贖維罪肅宗亦  
自憐之下遷太子中允久之遷中庶子三遷尚書右丞時  
縉爲蜀州刺史未還維自表已有五短縉五長臣在省戶  
縉遠方願歸所任官放田里使縉得還京師上乃召縉爲  
左散騎常侍上元初維卒年六十一維工草隸善畫寧薛  
諸王咸以師禮待之客有以按樂圖示者無題識維曰此  
霓裳第三疊最初拍也別墅在輞川有華子岡歆湖竹里  
館柳浪茱萸沱辛夷塢日與裴迪游其中賦詩爲樂妻  
不娶孤居三十年母亡乃表輞川第爲寺終葬其西焉寶  
應中代宗語縉曰朕嘗與諸王座聞維樂章縉乃哀集數



十百篇上之、維畫不下、吳道元、閻立本、善畫、耻人以畫師名、已、維乃爲詩云、夙世謬詞客、前身應畫師、人亦不以畫師稱之、

韋應物 附李揆

韋應物、京兆人、天寶時、爲滁州刺史、貞元初、復出刺蘇州、少時、扈從遊幸、豪縱不羈、玄宗崩、始折節讀書、工爲詩、性高潔、鮮食寡欲、所居掃地焚香而坐、故其詩清深閒淡、而詞格不減沈謝云、

李揆、成紀人、家于鄭州、代爲冠族、揆性警敏、善文章、開元末、擢進士第、揆嘗以主司取士、多不考實、徒峻其隄防、索



其書策殊未知藝具、眼不至者雖在文史之圃亦不能搗詞請  
于廷中設五經諸史及切韻本于牀而引貢士謂之曰大  
國選士但務得本經籍在此請恣尋檢由是數月之間美  
聲上聞拜中書侍郎同平章事修國史揆美風儀善奏對  
帝歎曰卿門地人物文章皆當世第一信朝廷羽儀也初  
苗晉卿數薦元載揆輕載地寒調晉卿曰龍章鳳姿士不  
見用麀頭鼠目子乃求官來載聞銜之及秉政奏揆試秘  
書監江淮養疾揆家百口貧無祿丐食取給牧守稍厭惡  
則去之流落凡十六年載誅始拜睦州刺史入爲國子祭  
酒禮部尚書德宗幸山南揆素爲盧杞所惡用爲入蕃會



癩書 卷三十一  
盟使揆辭老恐死道路不能達命帝惻然祀日和戎者當  
練朝廷事非揆不可異時豈盡年少者揆不敢辭揆至蕃  
酋長曰聞唐有第一人李揆公是否揆畏留因給之曰彼  
李揆安肯來邪還卒鳳州年七十四

### 白居易

白居易字樂天未冠謁顧況況吳人見其文自失曰吾謂  
斯文遂絕今復得子矣貞元中擢進士拔萃皆中補校書  
郎元和元年對制策一等調盭厓尉爲集賢校理月中召  
入翰林爲學士遷左拾遺李師道上私錢六百萬爲魏徵  
孫贖故策居易言徵任宰相太宗用殿材成其正寢後嗣



不能守陛下宜以賢者子孫贖而賜之師道人臣不宜掠美帝從之後對殿中論執強鯁帝未諭輒進曰陛下誤矣帝變色罷謂李絳曰是子我自拔擢乃敢爾我叵堪此必斥之絳曰陛下啟言者路故羣臣敢論得失若黜之是箝其口使自爲謀非所以發揚盛德也帝悟待之如初是時盜殺武元衡京都震擾居易首上疏請亟捕賊刷朝廷耻宰相嫌其出位出爲蘇州刺史中書舍人王涯上言不宜治郡追貶江州司馬久之徙忠州刺史入爲司門員外郎以主客郎中知制誥穆宗好畋遊獻續虞人箴以諷俄轉中書舍人田布拜魏博節度使命居易持節宣諭布遺五



百縑詔使受之、辭曰、方論問、旁午若悉有所贈、則賊未殄、布貲竭矣、時天子荒縱、宰相才下、賞罰失宜、居易雖進忠、不見聽、乃補外、遷爲杭州刺史、始築堤捍錢塘湖、鍾洩其水、溉田千頃、後浚李泌六井、民賴其汲、久之病免、文宗立、以秘書監召、遷刑部侍郎、封晉陽縣男、太和初、二李黨事興、乃移病東都、除太子賓客、分司、踰年卽拜河南尹、復以賓客分司、會昌初、以刑部尚書致仕、六年卒、年七十五、贈尚書右僕射、宣宗以詩吊之、居易與弟行簡從祖弟敏中相友愛、東都所居履道里、疏沼種樹、構石樓、香山鑿八節灘、自號醉吟先生、爲之傳、與嵩山僧如滿爲空門友、平泉



客韋楚爲山水友。劉夢得爲詩友。皇甫明之爲酒友。自稱香山居士。嘗與胡景吉收鄭據。劉貞。盧貞。張渾。狄兼謨。盧真。燕集皆高年不仕者。人慕之。繪爲九老圖。詩數千篇。當時士人爭傳。雞林行賈。售其國相。率篇易一金。甚僞者。相輒能辯之。初與元稹。訓詠號元白。稹卒。又與劉禹錫齊名。號劉白。其始生七月。能展書。姆指之。無兩字。百試不差。

韓愈○附孟郊。張籍。皇甫湜。盧仝。賈島。劉義。李翱。

韓愈字退之。南陽人。愈生三歲而孤。隨伯兄會。貶官嶺表。會卒。嫂鄭鞠之。擢進士第。調四門博士。遷監察御史。上疏論宮市。德宗怒。貶山陽令。有愛在民。民生子。多以其姓字。



之改江陵法曹參軍、元和初、拜河南令、遷職方員外郎、坐事、復爲博士、旣才高數黜、官又不遷、乃作進學解以自諭、執政覽之、奇其才、改比部郎中、史館修撰、轉考功、知制誥、進中書舍人、初、憲宗將平蔡、命御史中丞裴度使諸軍、案視及還、具言賊可滅、狀愈亦奏言、淮西可滅、然惟在陛下斷與不斷耳、執政不喜、改太子右庶子、及度以宰相節度彰義軍、宣慰淮西、奏愈行軍司馬、愈請乘遽告入、汴說韓弘、使叶力、元濟平、遷刑部侍郎、憲宗遣使者征鳳翔、迎佛骨入禁中、三日乃送佛祠、王公士人奔走膜唄、愈惡之、上衣切諫、帝大怒、持示宰相、裴度崔羣曰、愈言許、悟罪之誠



聖主

宜然非內懷至忠安能及此願少寬假以來諫爭帝曰愈言我奉佛太過猶可至謂東漢以後天子奉佛壽咸夭促言何乖刺耶乃貶潮州刺史至潮表謝帝得表頗感悔欲復用之皇甫鏐忌愈只移袁州已乃召拜國子祭酒時有直講能說禮而容貌甚陋學官多擯之不冝與其食愈一日特呼直講與其食學官由此不敢不與之共食矣愈因奏以儒生爲學官日與生徒會講于是生徒相與言曰韓公來爲祭酒國子監不寂寞也轉兵部侍郎鎮州亂殺田弘正而立王廷奏詔愈宣撫旣行衆皆危之元稹言韓愈可惜穆宗亦悔詔愈度事從宜無必入愈至廷奏嚴兵迓

聖主



之既坐、廷奏曰、所以紛紛者、此士卒也、愈大聲曰、天子以  
公將帥、故賜以節、豈意同賊反耶、語未終、士前奮曰、先  
太師爲國擊朱滔、血衣猶在此、軍何負、乃以爲賊、愈曰、以  
爲爾不記先太師也、若猶記之、固大善、妙天寶以來、安祿山  
史思明、李希烈等、有子若孫在乎、衆曰、無、愈曰、田公以魏  
博六州歸朝廷、官中書令、父子受旗節、劉悟、李祐皆大鎮、  
此爾軍所共聞也、衆曰、弘正刻、故此軍不安、愈曰、然、爾曹  
害田公、又殘其家矣、復何道、衆謹曰、善、廷奏慮衆變、疾麾  
使去、因曰、今欲廷奏何爲、愈曰、神策六軍、如牛元翼者不  
少、但朝廷顧大體、不可棄之、公歟、圍之、何也、廷奏曰、卽出



之愈曰若爾則無事矣。會元翼亦潰圍出。廷奏不追。愈歸。奏帝大說。轉吏部侍郎。部有令史。舊嘗關鎖不聽出入。愈曰。人所以畏鬼者。以其不能見也。如可見。則人不畏之矣。選人不得見令史。故令史勢重。若聽其出入。則其勢自輕。長慶四年。愈卒。年五十七。愈嘗以爲魏晉已還。爲文者多拘偶對。而經誥之指歸。遷雄之氣格。不復振起。故所爲文。務反近體。抒意爲言。自成一家。婿李漢序其文曰。先生自知讀書爲文。日記數千百言。諸史百子。皆搜抉無隱。汗瀾卓踔。齎泫澄深。詭然而蛟龍翔。蔚然而虎鳳躍。鏘然而韶鈞鳴。日光玉潔。周情孔思。千態萬貌。卒澤於道德仁義。炳



如也。洞視萬古，大拯頽風。時人始而驚，中而笑，且排終而翕然隨以定。嘗與李翔書曰：愈所爲文，不自知其至也。雖然，學之二十餘年矣。始者非三代兩漢之書，不敢觀；非聖人之志，不敢存；處若忘行，若遺儼乎其若思，茫乎其若迷。當其取於心而注於手也，惟陳言之務去，憂憂乎其難哉！其觀於人，不知其非笑之爲非笑也。如是者亦有年，猶不改。然後識古書之正僞，與雖正而不至焉者，昭昭然白黑分矣。當其取于心而注于手也，汨汨然來矣。其觀于人也，笑之則以爲喜，譽之則以爲憂，以其猶有人之說者存也。如是者亦有年，然後浩乎其沛然矣。吾又懼其雜也，迎而



距之平心而察之其皆醇也然後肆焉柳宗元曰自吾居  
夷不與中州人通書有來南者時言韓愈爲毛穎傳不能  
舉其辭而獨大笑以爲怪楊子誨之來始持其書索而讀  
之若捕龍蛇搏虎豹急與之角而力不敢暇信韓子之怪  
於文也世之模擬竄竊取青媲白肥皮厚肉柔筋脆骨而  
以爲辭者之讀之也其大笑固宜

孟郊字東野武康人性介少合愈一見與爲忘形交年五  
十第進士調溧陽尉縣有投金瀨平陵城林薄蒙翳下有  
積水郊間往坐水旁裴回賦詩而曹務多廢令白府以假  
尉代之分其半俸鄭餘慶爲東都畱守署郊水陸轉運判



官及鎮興元。又奏爲參謀。卒。張籍諡曰貞曜先生。

張籍字文昌，烏江人。第進士，愈薦爲國子。歷水部員外郎、主客郎中。籍爲詩，長於樂府，多警句。仕終國子司業。

皇甫湜字持正，睦州新安人。擢進士第，爲陸渾尉。裴度辟爲判官，度修福先寺，將立碑，求文於白居易。湜怒曰：「近捨湜而遠取居易，請從此辭。」度謝之。湜卽請斗酒，飲酣，援筆立就，贈以車馬繒綵甚厚。湜大怒曰：「自吾爲顧況集序，未嘗許人。今碑字三千，字三縑，何遇我薄邪？」度笑曰：「不羈之才也。」從而酬之。湜嘗爲蜂螫指，購小兒斂蜂，擣取其液，一日命其子錄詩，一字誤，詬躍呼杖。杖未至，嚙其臂，流出血。



盧仝居東都、愈爲河南令、愛其詩、厚禮之、仝自號玉川子、爲月蝕詩、以譏切元和逆黨、愈稱其工、

賈島字浪仙、范陽人、初爲浮屠、名無本、遊東都時、洛陽令禁僧急、島爲詩自傷、愈憐之、因教其去浮屠、舉進士、當其苦吟、雖逢公卿貴人不覺也、一日見京兆尹、跨驢不避、諱詰之久、乃得釋、

劉叉少爲俠、因酒殺人亡命、會赦出、步歸、愈作冰柱雪車二詩、出盧仝、孟郊、右、樊宗師見之、爲獨拜、嘗持愈金數斤去、曰、此謾墓中人得耳、不若與劉君爲壽、後去齊魯、不知所終、



李翱字習之唐宗室也貞元十四年登進士第授校書郎  
三遷至京兆府司錄參軍元和初轉國子博士史館修撰  
翱以史官記事不實奏狀曰臣謬秉史館以記注爲職夫  
勸善懲惡正言直筆記聖朝功德述忠賢事業載姦臣醜  
行以傳無窮者史官之任也而舊例皆訪之於人又取行  
狀謚議以爲據夫今之作行狀者多其門生故吏之詞莫  
不虛加仁義禮智妄言忠肅惠和安足信也臣謂作行狀  
者只宜直載事實如作魏徵傳但記其諫諍之辭則足以  
爲正直矣段秀實傳但記其倒用司農印以追逆兵以象  
勿擊朱泚則足以爲忠烈矣卓吾曰此千載不刊之言也



柳宗元

柳宗元字子厚河東人宗元少聰警尤精西漢詩騷下筆  
構思精裁密綴璨若珠貝當時流輩咸推之登進士第應  
舉宏辭授校書郎藍田尉貞元十九年爲監察御史順宗  
卽位王叔文章執誼用事尤竒待宗元轉尚書禮部員外  
郎欲大進用而叔文敗矣宗元因貶爲邵州刺史在道再  
貶永州司馬元和十年量移柳州時朗州司馬劉禹錫得  
播州制書下宗元曰禹錫有母年高今爲郡蠻方南絕域  
往復萬里如何與母偕行如母子異方便爲永訣卽草章  
奏請以柳州授禹錫而自往播州會裴度亦奏其事禹錫



終易連州宗元既居柳州江嶺間爲進士者皆師之故時  
號爲柳柳州云卒年四十七子周六周七纔三四歲觀察  
使裴行立爲營護其喪及妻子還于京師時人義之韓愈  
曰吾嘗評其文雄深雅健似司馬子長崔蔡不足多也皇  
甫湜於文章少所推讓亦以愈言爲然李生曰柳宗元文  
章識見議論不與唐人班行者封建論卓且絕矣其爲叔  
文等所竒待也宜

王禹偁 附丁謂

王禹偁字元之鉅野人九歲能文畢士安見而器之擢進  
士太宗聞其名召試擢右拾遺直史館賜緋故事賜緋者



給塗金銀帶上特命以文犀帶寵之後拜左司諫知制誥  
未幾判大理寺以請論妖尼道安罪坐貶商州團練副使  
四年召拜左正言禹偁屢獻計李繼遷策以爲繼遷可不  
勞力而誅其後潘羅支射死繼遷夏人款附卒如禹偁策  
至道元年爲翰林學士知審官院兼通進銀臺封駁司坐  
謫訕罷爲工部郎中知滁州二、次初禹偁草李繼遷制詞繼遷  
送馬五十匹禹偁卻之及知滁州閩人鄭褒徒步來謁禹  
偁愛之爲買一馬或言買馬虧價者太宗曰彼能卻繼遷  
五十馬顧肯虧一馬價哉移知楊州真宗卽位召還復知  
制誥時宰相張齊賢李沆不協意禹偁搆之又出知黃州三、次



禹偁乃作三黜賦以見志。三年，濮州盜夜入城，略知州王守信監軍王昭度。禹偁聞而奏略曰：自五季亂離，各據城壘，豆分瓜剖，七十餘年。太祖太宗削平僭僞，天下一家。今三十年矣，書生領州，大郡給二十人，小郡減五人，號曰長吏，實同旅人，名爲郡城，蕩若平地。臣比在滁州，值發兵挽漕，關城無人守禦，止以白直代主開閉，及徙維揚，稱爲重鎮，亦與滁州無異。今黃州城雉器甲，復不及滁楊萬一水旱盜賊竊發，何以枝梧？蓋太祖削諸侯跋扈之勢，太宗杜僭僞覬望之心，不得不爾。其如設法救世，久則弊生，何哉？疏奏，上惜其才，命徙蘄州。禹偁表謝，有宣室鬼神之間，不



望生還茂陵封禪之書止期身後之語果至州未踰月而卒年四十八禹偁詞學敏贍嘗云吾若生元和時從李絳崔羣間斯無愧矣其爲文著書多涉規諷以是不容孫何丁謂皆游其門

丁謂蘇州人少與孫何同袖文謁王禹偁禹偁大驚以爲自韓愈柳宗元後二百年始有此也故世謂之孫丁登進士遷三司判官峽路蠻擾邊以謂領峽路轉運使勅王均叛朝廷調施黔高溪州蠻子弟捍賊而蠻反爲賊謂至召其種酋開諭之曰有詔赦爾等不殺矣乃作誓刻石柱立境上蠻地饒粟苦乏鹽謂聽以粟易鹽蠻人大悅先時屯



兵施州饋以夔萬之粟至是民無轉餉之勞施之諸砦積聚亦自給謂復上言黔南蠻族多善馬請致館犒給綿帛歲歲收市之及徙置夔州城砦等皆謂所經畫也真宗幸澶淵謂知鄆州兼齊濮等州安撫使時契丹深入民大驚爭趨楊劉渡舟人邀利不急濟謂取死罪詐作駕舟人立命斬之舟遂集民乃悉渡遂立部分使並河執旗幟擊刁斗自衛契丹乃引去明年召爲右諫議大夫權三司使謂卽上會計錄以侈上心太中祥符初議封禪謂卽以經費有餘對於是帝欲營玉清昭應宮以奉上帝謂曰陛下有天下之富建一宮以奉上帝祈皇嗣羣臣敢有諫沮者願



以臣此意諭之。於是王旦果有密疏諫止帝。帝乃以謂語告旦。旦始不敢言。乃以謂爲修玉清昭應宮使參知政事。時寇準爲相。惡謂謂媒孽準過罷準相。而謂同平章事。謂欲引林特爲樞密副使。兼賓客。李迪執不可。因兵謂奸邪不法事。二人爭論帝前。卽日罷謂知河南。而出迪知鄆州。明日謂入謝。訴曰。臣非敢爭。乃迪忿置臣。爾臣願復畱。因賜坐。左右欲設墩。謂顧曰。有吉復平章事。乃更以机。謂卽入中書視事。而李迪獨罷相。仁宗卽位。寇準李迪再貶。凡與準善者盡逐之。是時二府定議。太后與帝五日御便殿聽政。旣得旨。而謂潛納內侍雷允恭。令密請太后降手書。



軍國事進入印畫學士草制辭而令俱先持示謂閱訖乃進蓋謂欲獨任允恭傳達中旨而不欲同列與聞機政也時允恭方爲山陵都監與判司天監邢中和擅易皇堂地帝遣王曾覆視允恭以罪誅乃降謂太子少保分司西京復貶崖州司戶參軍謂機敏有智謀文字累數千言覽畢輒誦在三司案牘繁委吏久難解者謂一言判之而人人釋然亦其才難也善談謔喜爲詩圖畫博奕音律無不洞曉旣在貶所專事釋典及著詩作文家寓洛陽因爲書自貢敘國厚恩家中不可妄有希覬而專人致書洛守乞付其家戒使者伺守會衆時達之旣達書守不敢隱卽以聞



帝見之爲感惻乃得徙雷州在朱崖日作爲一字題寄歸  
又作天香傳叙江南諸香後移道州旋以秘書監致仕光  
州居住流落貶竄共十五年髭鬚無班白者人亦服其量  
也未終前半月卽不食但以沉香煎湯時呷少許臨化神  
識不亂奄然而去時稱爲異人焉

歐陽修

附梅堯臣

蔣之奇

歐陽修字永叔廬陵人生四歲而孤母鄭氏教之家貧以  
荻畫地學書比舉進士兩試國子監一試禮部皆第一遂  
中甲科補西京畱守推官宋興且百年而文章體裁猶仍  
五季餘習士因陋守舊論卑氣弱蘇舜欽柳開穆修輩咸



有意張之而力不足修遊隨得韓愈遺藁於廢書簏讀而  
心慕焉景祐初召試遷館閣校勘時范仲淹知開封府每  
進見輒論時政得失宰相惡之斥守饒州修見諫官高若  
訥詆訕仲淹故爲書責之因是坐貶夷陵令康定初仲淹  
起爲陝西經略招討安撫使辟修掌書記修笑曰吾論范  
公豈以爲已哉同其退不同其進可也辭不就後召還復  
校勘遷太子中允與修崇文總目初仲淹之貶饒州也修  
與尹洙余靖皆以直仲淹故見逐故時咸目爲黨人自是  
朋黨論起修又爲朋黨論以進上知修忠一日奏事罷上  
日修曰如歐陽修何處得來蓋欲大用而未果也會修之



外甥女張嫁修族人晟以失行繫獄言事者乘此欲并中  
修遂起詔獄上使中官監劾之卒辨其誣猶降官知滁州  
已而又徙潁州至和祐服除入見鬚髮盡白上惻然命判  
吏部流內銓有忌修者僞爲修奏乞澄汰宦官宦官怒以  
他事譖修欲遂出修於外上悟聖、王、留修刊修唐書遂入翰林  
爲學士自滁州之貶至是十二年矣上臨御久遍閱羣臣  
未有大稱上意者因思富韓之賢復召寘二府時慶曆舊  
人惟二人與修在嘉祐二年權知貢舉是時進士爲文以  
詭異相高文體大壞修所取率詞義古質者凡險怪知名  
士一切不錄榜出紛然向之囂薄者聚譟修馬前街邏不



能制然文章自是變矣三年代包拯權知開封府事有以  
拯爲言者修曰凡人材性不一用其所長事無不舉強其  
所短勢必不逮吾亦任吾所長耳及唐書成拜禮部侍郎  
俄兼翰林侍讀學士五年爲樞密副使明年爲參知政事  
修與韓琦同心輔政故嘉祐之政世多以爲得也英宗之  
初朝議加濮王典禮禮官與從官欲改封大國稱伯父修  
引喪服記以爲人後者爲其父母服朞降三年爲期而不  
以父母之名以見服可降而名不可沒也若本生之親改  
稱皇伯歷考前世皆無典據追封大國則又禮無加爵之  
故中書之議不與衆同御史呂誨等其詆修以故皆被



逐熙寧初改知青州三年判太原府辭求知蔡州從之四年乃以觀文殿學士太子少師致仕修昔守潁上樂其土風故遂卜居潁其在滁也作亭瑯琊山每以醉翁自名又曰吾集古錄一千卷藏書一萬卷有琴一張有棋一局而常置酒一壺老於其間是爲六一故又自號六一居士焉居潁一年而卒年六十六太常初諡曰文常秩曰修有定策之功宜加以忠乃諡文忠修嘗曰治民如治病有一等醫人僕馬鮮明進退中度案醫書述病證口辨如傾而病者服藥不效一貧醫無僕馬舉止生疎不能應對然病兒服藥卽效治民之吏猶是也但民稱便卽爲良吏矣修前



後歷七郡守、吏民安之。故其言親切如此。被召譔唐書，又自譔五代史。唐書最後置局，修專紀志而已。列傳則尚書宋祁之筆。朝廷以書出兩手，體裁不一，詔修刊詳列傳。修曰：宋公於我爲前輩，且人所見不同，豈能悉如已意？及書成，奏御。舊制修書只列書局中官高一人名，云某等奉敕譔。公官高，宜書名。修曰：宋公於列傳用功深，爲日久，豈可揜也？於是紀志書修姓名，列傳書宋姓名。祁聞而善之。梅堯臣字聖俞，宣城人，工爲詩，用蔭爲河南主簿。錢惟演留守西京，特嗟賞之，修與爲詩友。

蔣之奇，宜興人，擢進士第，中春秋三傳科。至太常博士，神



宗立轉殿中侍御史、初之奇黜制科、誥修盛言濮議之善、修因薦爲御史之奇、懼不爲衆所容、及修妻弟薛良孺得罪、怨修誣修陰事之奇、因以劾修、蓋欲自脫附修之名也。  
聖王  
神宗批付中書問狀、修與吳育皆上章自辨、以吳氏育女故、神宗知之、語執政曰、言事者以閨門曖昧之事、中傷大臣、此風甚不可長、乃貶之奇監道州酒稅、修亦堅求退出、知亳州、故修謝上表云、未乾薦禰之墨、已彎射羿之弓。

王安石 附呂惠卿章惇

王安石字介甫、臨川人、少好讀書、一過目終身不忘、其屬文動筆如飛、曾鞏携其文以示歐陽修、修爲之延譽、擢進



士上第、再調知鄞縣、起堤堰、決陂塘、爲水陸之利、貸穀與民、出息以償、俾新陳相易、邑人便之、文彥博爲相、薦安石恬退、乞不次進用以激奔競、嘉祐三年、安石上萬言書、以爲今天下之財力日以困極、風俗日以衰壞、患在不知法度、不法先王之政故也、法先王之政者、法其意而已、法其意則吾所改易更革、不至乎傾駭天下之耳目、囂天下之口、而固以合先王之政矣、俄直集賢院、先是館閣之命屢下、安石屢辭、士大夫恨不識其面、未幾以母憂去、終英宗世、召不起、神宗在潁邸、韓維爲記室、每進講、則曰此非維之說、王安石之說也、及爲太子庶子、又薦自代、神宗卽位、



命知江寧府數月召為翰林學士兼侍講帝問為治所先

安石對曰擇術為先帝曰唐太宗何如曰陛下當法堯舜

胡說

是實易簡公反煩難何也

何以太宗為哉堯舜之道至簡而不煩至要而不迂至易

而不難但末世學者不能通知以為高不可及爾二年拜

參知政事上謂曰人皆不能知卿以為卿但知經術不曉

說得是但公不是

世務安石對曰經術正所以經世務也上曰今所施設以

便不是了

何為先安石曰變風俗立法度最方今之所急也上以為

然於是設制置三司條例司命與知樞密院事陳升之同

領之安石令呂惠卿任其事而農田水利青苗均輸保甲

好至簡

免役市易保馬方田諸役相繼並興號為新法遣提舉官



藏書  
不順也

卷三十九

三

四十餘輩、頒行天下、青苗法者、以常平糴本作青苗錢散  
與人戶、令出息二分、春散秋歛、均輸法者、以發運之職、改  
爲均輸、假以錢貨、凡上供之物、皆得徙貴就賤、用近易遠、  
預知在京倉庫所當辦者、得以便宜蓄買、保甲之法、籍鄉  
村之民、二丁取一、十家爲保、保丁皆授以弓弩、教之戰陣、  
免役之法、據家貲高下、各令出錢、僱人充役、下至單丁女  
戶、本來無役者、亦一槩輸錢、謂之助役錢、市易之法、聽人  
賒貸縣官財貨、以田宅金帛爲抵當、出息十分之二、保馬  
之法、凡五路義保、願養馬者、戶一匹、以監牧見馬給之、或  
官與其直、使自市、歲一閱其肥瘠、死病者補償、方田之法、



以東西南北各千步、當四十一頃六十六畝、一百六十步、爲一方、歲以九月、令佐分地計量、驗地土肥瘠、定其色號、分爲五等、以地之等、均定稅數、又有免行錢者、約京師百物諸行、利入厚薄、皆令納錢、與免行祇應、自是四方爭言農田水利、古陂廢堰、悉務興復、賦斂愈重、而天下騷然矣、韓琦諫疏至、帝感悟、欲從琦、而安石遂求去、司馬光答詔、有士夫沸騰、黎民騷動之語、安石怒、抗章自辨、帝爲巽謝、令呂惠卿諭旨、安石乃不去、于是御史劉述、錢覲、程顥、陳襄、陳薦、楊繪、劉摯、諫官范純仁、李常孫覺、胡宗愈等、皆以不得其言相繼去、翰林學士范鎮三疏言青苗奪職致仕、



初安石在侍從每言唐太宗令諫官隨宰相入閣最後世  
所當行及爲參政而孫覺李常爲諫官遂列奏請舉行之  
安石不可曰是又益兩參政也三年拜同平章事明年春  
京東河北有烈風之異帝大怒批付中書令省事安靜以  
應天變放遣兩路募夫并責監司守郡不以上聞者安石  
執不下開封民被保甲有截指斷腕者知府韓維言之帝  
問安石曰此固未可知就令有之亦不足怪也何說歐陽修乞  
致仕馮京請留之安石曰修附麗韓琦爲社稷臣如此人  
在一郡則壞一郡在朝廷則壞朝廷留之安用富弼以格  
青苗解使相安石謂不足以阻奸至比之共繇文彥博言



市易與下爭利致華嶽山崩安石曰華山之變殆天意爲  
小人發市易之起自爲細民久困以抑兼并爾闕其奏出  
彥博守魏於是呂公著韓維安石籍以立聲譽者也歐陽  
修文彥博薦已者也富弼韓琦用爲侍從者也司馬光范  
鎮交友之善者也悉排斥不遺力安石子雱爲人慄悍陰  
刻舉進士調旌德尉雱氣豪睥睨一世不能作小官召見  
除太子中允崇政殿說書安石一日與程顥語雱囚首跣  
足携婦人冠以出大言曰梟韓琦富弼之首于市則法行  
矣安石遽曰見誤矣七年春天下久旱饑民流離帝對朝  
嗟歎欲盡罷法度之不善者安石曰水旱常數堯湯所不



免此不足貽聖慮、但當修人事以應之、監安上門鄭俠上  
疏、繪所見流民困苦之狀爲圖以獻、曰旱由安石所致、去  
安石、天必雨、俠又坐竄嶺南、慈聖宣仁二太后流涕謂帝  
曰、安石亂天下、帝亦疑之、乃罷爲觀文殿大學士、知江陵  
府、復自禮部侍郎超九轉爲吏部尚書、呂惠卿服闋、安石  
朝夕汲引之、白爲參知政事、又乞召韓絳、代已二人守其  
成模不少失、時號絳爲傳法沙門、惠卿爲護法善神、而惠  
卿實欲自得政、忌安石復用、絳覺惠卿意、密白帝請召安  
石、八年、安石復相、十月、彗出東方、帝曰、聞民間殊苦新法、  
安石曰、祁寒暑雨、民猶怨咨、此無庸恤、帝曰、豈若并祁寒



暑雨之怨亦無邪安石不悅退而屬疾臥帝慰勉起之及  
雋憤恚歿安石屢謝病求去上亦厭之罷爲鎮南軍節度  
使同平章事判江寧府復用馮京知樞密以其不黨安石  
也元豐二年復拜左僕射換特進改封荊元祐中卒年六  
十八黃廷堅嘗言人心動則目動王介甫終日目不停轉  
以是知其好改作也

呂惠卿晉江人起家進士初見王安石論經義意多合熙  
寧初安石爲政對上言曰惠卿之賢豈特今人無有雖前  
世儒者亦未易及學先王之道而能用者惠卿而已及設  
制置三司條例以惠卿爲檢詳文字事無大小必與之謀



凡所建請章奏皆出其手司馬光言於上曰惠卿儉巧非  
佳士使安石負謗中外安石賢而懷不開世務惠卿爲之  
謀主而安石力行之故天下并指爲奸邪又貽書安石曰  
諂諛之士於公今日誠有順適之快一旦失勢將必賣公  
自售矣安石不悅薦惠卿爲參知政事後安石旣罷相韓  
絳度不能制請上復用安石安石子雱于惠卿有深憾諷  
甲丞鄧綰發惠卿兄弟強借秀州華亭富民錢五百萬與  
知華亭縣張君濟買田往來其爲奸利事置獄鞠之罷惠  
卿出守陳而張君濟之獄久未成王雱令門下客呂嘉問  
承亨甫其取鄧綰所列惠卿事雜他書下制獄君濟遂決



配安石奸貨不知也

惠卿以狀聞并訟安石盡棄所學罔上

要君而發其私書有無使上知之語帝以示安石安石謝

無有歸問雱雱憤恚疽發背歿久之徙惠卿知延州始陝

西緣邊漢蕃兵各自爲軍每戰以蕃兵爲先鋒而漢兵城

守伺便出戰惠卿始合爲一先蒐補守兵而出其選鋒以

戰隨屯置將具條約來上會蕃部屈全七將入寇惠卿以

近日帥臣多養威持重乃將牙兵按邊啟師于東郊而趨

綏德抵無定河歷十有八日乃還哲宗卽位惠卿懇求散

地於是右司諫蘇轍條奏其奸曰惠卿懷張湯之辨詐有

盧杞之姦邪王安石強狼傲誕於吏事宜無所知惠卿指



擿教導以濟其惡、又興起大獄株連蔓引、塗污公卿、安石  
於惠卿、有卵翼之恩、父師之義、方其求進、則膠固爲一、及  
勢力相軋、卽化爲敵讐、發其私書、不遺餘力、大璣之所不  
爲、而惠卿爲之、昔呂布事丁原、則殺丁原、事董卓、則殺董  
卓、劉牢之事王恭、則反王恭、事司馬元顯、則反元顯、故曹  
操桓玄終畏而誅之、如惠卿之惡、縱未正典刑、猶當投畀  
四裔、以禦魑魅、中丞劉摯亦數其五罪、乃貶惠卿爲光祿  
卿、分司南京、再責建州安置、中書舍人蘇軾當制、備載其  
罪於訓詞、天下傳誦稱快焉、何快紹聖中、復知延州、道出西都、  
時程頤居里中、謂門人曰、吾聞呂吉甫未識其面、明旦西



出必經吾門且一覘之迨旦了無所聞詢之則已過去久矣願歎曰從者數百人馬數十能使悄然無聲馭衆如此可謂整肅立朝雖多可議其才亦何可掩也天、理、夏人復入寇將以全師圍延安惠卿修米脂諸砦以備寇寇至欲攻城則城不可近欲虜掠則野無所得欲戰則諸將按兵不動欲南則懼腹背受敵留二日卽拔柵去惠卿後以築威威羌城拜保寧武勝兩軍節度使徽宗立因曾布有宿憾徙爲杭州崇寧五年坐其子淵罪安置宜州爲醴泉觀使致仕卒始安石去位退處金陵往往寫福建子三字蓋深悔爲惠卿所誤也李生日惠卿美才王雱百計害之惠卿



以爲皆安石所爲也發其私書小人報復常態爾况愛生惡死人情之常急功名懼禍敗畏譏毀不獨惠卿然也蘇子由之疏過矣

章惇浦城人惇豪雋進士登名耻出侄衡下委敕而去再

舉甲科調商洛令熙寧初王安石秉政悅其才用爲編修

三司條例官呂惠卿去位劉綰論惇同惡出知湖州元豐

五年召拜門下侍郎哲宗卽位知樞密院事乃駁司馬光

所更役法累數千言其略曰如保甲保馬大是一日不罷則有

一日之害若役法當議論盡善然後行之不宜遽改以貽

後悔光議旣行惇憤恚爭辯簾前宣仁后怒劉摯蘇轍朱



光庭王巖叟交章擊之黜知汝州七八年間數爲言者彈  
治哲宗親政用楊畏疏欲復熙寧元豐之政首起惇爲尚  
書左僕射於是專以紹述爲國是凡元祐所革一切復之  
引蔡卞林希等居要地任言責協謀朋姦報復仇怨小大  
之臣無一得免歟者禍及其孥甚至詆宣仁后謂元祐之  
初老姦擅國又請發司馬光呂公著冢斲其棺又請編類  
元祐諸臣章疏窮治劉安世范祖禹諫禁中顧乳媪事又  
起同文館獄欲殺劉摯及梁燾王巖叟等初惇卞恐元祐  
舊臣一旦復起日夜與邢恕等謀結內侍郝隨爲助媒孽  
宣仁嘗欲危帝之事旣貶王珪又誣司馬光呂大防等結



宣仁閣內侍陳衍謀廢立又以內侍張士良嘗與衍同主  
后閣使蔡京安惇雜治之以實其說京等列鼎鑊刀鋸於  
前謂士良等曰言有卽還舊職無則就刑士良仰天大哭  
曰太皇太后不可誣天地神祇不可欺乞就戮京等鍛鍊  
無所得乃奏衍䟽隔兩宮斥隨龍內侍劉瑗等於外以剪  
除人主腹心羽翼爲大逆不道處死而自作詔書請廢宣  
仁爲庶人太后方寢聞之遽起泣謂帝曰吾日侍崇慶天  
日在上此語曷從出且帝必如此亦何有於我太妃等亦  
泣帝感悟取惇下奏就燭焚之郝隨覘知之密語惇下明  
日惇下再具狀堅請施行帝怒曰卿等不欲朕入英宗廟



乎、抵其奏于地、事得寢、惇又議遣呂升卿、董必察訪嶺南、將盡殺流人、哲宗問許將對曰、本朝所以遠過漢唐者、以未嘗殺戮大臣也、哲宗然之、謂惇曰、朕遵祖宗遺制、未嘗殺戮大臣、其釋勿治、然重得罪者千餘人、或至三四謫、徙天下、寃之、惇又以皇后孟氏、宣仁后所立、迎合郝隨、勸哲宗起掖庭秘獄、捕逮宦者宮妾、撈捕備至、肢體毀折、至有斷舌者、獄成、命御史董敦逸覆錄罪人過庭下、氣息僅屬、無一人能出聲者、敦逸秉筆疑未下、郝隨等脇之、敦逸畏禍、乃以奏牘上、詔廢后出居瑤華宮、號華陽教主、帝久亦悔之、曰、章惇誤我、哲宗崩、皇太后議所立、惇厲聲曰、以



禮律言之母弟簡王當立皇太后曰老身無子諸王皆是  
神宗庶子惇復曰以長則申王當立皇太后曰申王病不  
可立惇尚欲言知樞密院事曾布叱之曰章惇聽太后處  
分皇太后決策立端王是爲徽宗惇罷知越州再貶雷州  
司戶參軍徙睦州卒惇敏識加人數等窮凶稔惡然不肯  
以官爵私所親四子連登科獨季子援嘗爲校書郎餘皆  
隨牒東銓任州縣訖無顯者妻張氏賢惇之入相也張病  
且歿屬之曰君作相幸勿報怨旣祥惇語陳瓘曰悼亡不  
堪奈何瓘曰與其悲傷無益曷若念其臨絕之言惇無以  
對李生曰章惇剛狠膽麓才贍以衆賢攻擊不得伸其志



輒爾乘時報復使有聖主賢相愛而用之亦足建功定國  
非邢恕蔡確比也

### 蘇洵

蘇洵字明允眉州人年二十七始發憤爲學歲餘舉進士  
又舉茂才異等皆不中退而歎曰此不足爲吾學也悉取  
所爲文數百篇焚之益閉戶讀書絕筆不爲文辭者五六  
年久之慨然曰可矣由是下筆頃刻數千言嘉祐間與其  
二子軾轍皆至京師翰林學士歐陽修見其所著書二十  
二篇稱之曰荀卿子之文也宰相韓琦奏於朝召試舍人  
院辭疾不至遂除校書郎會太常修纂建隆以來禮書乃



以爲霸州文安縣主簿、與陳州項城令姚闢同修禮書、爲太常因革禮一百卷、書成方奏、未報卒、賜其家縑銀二百、子軾、辟所賜、求贈官、特贈光祿寺丞、有文集二十卷、諡法三卷、曾鞏曰、洵蓋少或百字、多或千言、其指事析理、引物托喻、侈能盡之、約、遠能見之、近、大能使之微、小能使之著、煩能不亂、肆能不流、其雄壯俊偉、若決江河而下也、其輝光明白、若引星辰而上也、

蘇軾

蘇軾字子瞻、生十歲而父洵宦學四方、母程氏嘗讀東漢范滂傳、軾時侍側、曰軾若爲滂、夫人亦許之乎、母曰、



汝能爲湧、吾顧不能爲湧母邪、嘉祐二年、歐陽修考試禮部進士、梅堯臣得軾論刑賞以示修、修驚喜、欲以冠多士、疑門生曾鞏所爲、乃寘第二、修謂堯臣曰、老夫當避此人、放出一頭地、安石用事、上欲用軾修中書條例、安石曰、軾與臣所學皆異、別試以事可也、上又欲用軾起居注、安石曰、軾非是可獎之人、乃寘軾官告院、四年、安石欲變更科舉、使兩制三館議之、上得蘇軾議乃止、卽日召見問政、軾曰、臣竊意陛下求治太急、聽言太廣、進人太銳、願陛下安靜以待物之來、然後應之、上竦然、初策進士、舉子希合、爭言祖宗法制非是、軾爲考官、退擬答以進、安石愈恨、軾乃



乞外、通判杭州、自杭徙密、密有盜未獲、安撫司遣使臣領悍卒入境捕盜、卒凶暴、反以禁物誣民、強入人家、爭鬪至殺民、訴於軾、軾投其書不視、曰：「必不至此。」悍卒聞之、頗用自安、不知軾已使人招出戮之矣。自密徙徐、時河決曹林、匯于城下、富民爭出避水、軾曰：「吾在是、水決不致壞城。」驅使復入、而自杖策入武衛營、呼其卒長告之曰：「事急矣、雖禁卒且爲我盡力。」卒長應曰：「太守不避塗潦、吾儕小人敢不效命。」乃率其徒短衣徒跣、持畚鍤以出、築東南長隄、首起戲馬臺、尾屬於城、民乃安。徙知湖州、以表謝上、言事者、擿其語以爲謗、逮赴御史獄。初、軾旣補外、見事有不便者、



頗託事以諷御史舒亶言蘇軾作爲歌詩譏切時事陛下  
發錢以業貧民則曰贏得兒童語音好一年強半在城中  
陛下明法以課試羣吏則曰讀書萬卷不讀律致君堯舜  
終無術陛下興水利則曰東海若知明主意應教斥鹵變  
桑田陛下謹鹽禁則曰豈是聞韶解忘味爾來三月食無  
鹽宰相王珪亦言蘇軾不臣因舉軾詠檜詩曰根到九泉  
無曲處世間唯有蜚龍知陛下飛龍在天而軾求之地下  
之蜚龍其不臣如此上曰彼自詠檜何預朕事張方平范  
鎮上書救之直舍人院王安禮乘間進曰自古大度之君  
不以語言謫人願陛下無竟其獄上曰朕固不深譴特欲

○聖○王○



申言者路耳、遂以黃州團練副使安置、軾幅巾芒屨、與田父野老、時時相從、築室東坡、自號東坡居士、五年、神宗語宰相王珪、蔡確曰、國史至重、可命蘇軾成之、珪有難色、神宗曰、軾不可、姑用曾鞏、及進、太祖總論、神宗竟不允、遂手札移軾汝州、軾未至汝、上書自言有田在常、願得移居、奏入報可、過金陵、見王安石、曰、大兵大獄、乃漢唐滅亡之兆、公獨無一言可乎、曰、二事皆惠卿啟之、安石身在外、又安敢言、軾曰、在朝則言、在外則不言、此事君之常禮耳、上之待公、本非常禮、公所以事上、豈可以常禮自處耶、安石乃厲聲曰、某須說、又曰、人須知行、一不義殺、一不辜得天下、



弗爲乃可。軾戲答曰：今之君子爭減半年磨勘，雖殺人亦爲之矣。至常以哲宗卽位，復朝奉郎知登州，召爲禮部郎中。元祐二年，遷中書舍人。時光方議改免役爲差役，差役行於祖宗之世，法久多弊，編戶克役，不習官府，吏虐使之，多以破產而狹鄉之民，或有不得休息者。先帝知其然，故爲免役，使民以戶高下出錢，而無執役之苦。行法者不循上意，於顧役實費之外，取錢過多，民遂以病。光知免役之害，而不知其利，欲一切以差役代之。方差官置局，軾與其選，獨以實告。嘗見光政事堂條陳不可狀，光忿然不樂。軾曰：昔韓魏公刺陝西，義勇公爲諫官，爭之甚力。魏公不樂。



公亦不顧軾昔聞公道其詳豈今日作相不許軾盡言耶  
尋除翰林學士二年復除侍讀嘗召入對便殿宣仁后問  
曰卿前爲何官曰臣爲常州團練副使今爲何官曰臣今  
待罪翰林學士后曰何以至此曰遭遇太皇太后皇帝陛  
下曰非也豈大臣論薦乎曰亦非軾驚曰臣雖無狀不敢  
由他途以進后曰此先帝意也先帝每誦卿文章必歎曰  
奇才奇才但未及進用卿耳軾不覺哭失聲宣仁后與哲  
宗亦泣左右皆感涕曰命坐賜茶徹御前金蓮燭送歸  
院三年權知禮部貢舉

行上讀祖宗寶訓因及時事當

軸者恨之四年復出知杭州杭本近海水泉鹹苦唐刺史



李泌始引西湖水作六井，民足於水，故井邑日富。及白居易復浚西湖，放水入運河，自河入田，所溉至千頃。自唐及錢氏，歲輒開治，故湖水足用。至宋廢而不理，湖中葑積爲田，一十五萬餘丈，而水無幾矣。運河失湖水之利，則取給於江湖，潮渾濁多淤，河行闐闐中，三年一淘，爲市井大患。而六井亦幾廢。軾始至，浚茅山鹽橋二河，以茅山一河專受江湖，鹽橋一河專受湖水，復造堰閘以爲湖水蓄洩之限。然後潮不入市，且以餘力復完六井，民稍獲其利矣。又間至湖上，周視良久曰：「今欲去葑田，將安所寘之？」湖南北三十里，環湖往來，終日不達。若取葑田，積爲長堤，以通南

○妙○妙○



北則葑田去而行者便矣。又吳人種菱，春輒芟除，不遺寸草。葑田若去，募人種菱，收其利以備修湖可也。乃取救荒之餘，得錢數萬貫，糧數萬石，復請于朝，得百僧度牒以募役者，堤成植芙蓉其上，望之如雲錦。杭人名之曰蘇公堤。馬軾二十年再莅此州，有德於其人，以故家有畫像、飲食必祝。六年，召入爲翰林承旨，復侍邇英。時三黨之論起矣。御史復攻軾，軾懼，乃復請外，出守潁州。七年，徙揚州。未閱歲，以兵部尚書召還，尋遷禮部，復兼二學士。至是，又復乞一郡自効。八年，知定州。紹聖元年，軾坐爲中書舍人，日草呂惠卿降官制云：均輸之政，自同於商賈，手實之禍，下及



於雞豚先皇帝始以帝堯之仁姑試伯鯨終焉孔子之聖不信宰子言者誣以謫訕復謫知英州安置惠州軾以少子過自隨居三年復以瓊州別駕安置昌化軾至僦官屋以居有司猶謂不可乃買地築室昌化士人畚土運甕以助軾元符三年大赦北還將居許病暑暴下乃止於常建中靖國元年六月病遂不起卒葬於汝州郟城縣軾初好賈誼陸贄書旣而讀莊子喟然歎息曰吾昔有見于中口未能言今見莊子得吾心矣嘗自謂作文如行雲流水初無定質但常行於所當行止於所不可不止故雖嬉笑怒罵之辭皆可書而誦也洵晚歲讀易作易傳未完而疾革



命軾述志卒以成書復作論語說最後居海南作書傳旣成三書撫之歎曰今世要未能信後有君子當知我矣高宗卽位贈資政殿學士以其孫符爲禮部尚書日以其文寘左右初畢仲游試學士院軾異其文擢爲第一仲游因與軾書曰言語之累不特口出者爲是其形於詩歌賦頌託於碑銘著於序記者皆是也今知畏於口而未畏於文是其所是則見是者喜非其所非則蒙非者怨喜者未能濟君之謀而怨者或已敗君之事矣官非諫臣職非御史而非是人所非是殆猶抱石而救溺也仲游士安之孫真可不謬爲畢士安之孫矣李生曰子瞻自謂嬉笑怒罵皆



可書而誦、信然否、夫嘻笑怒罵、既是文章、則風流戲謔、總成嘉話矣、然則吹簾舞劍、皆我畫筭、雀噪蛙鳴、全部鼓吹、坡公得之、是以大妙、奇正相生、如環無端、顛倒豪傑、莫知端倪、不亦宜歟、然無坡公之心、而效其嘖、無坡公之人、而學其步、而自謂曰、我能嘻笑怒罵也、我能風流戲謔也、又奚可、古今風流、宋有子瞻、唐有太白、晉有東山、本無幾也、必如三子、始可稱人龍、始可稱國士、始可稱萬夫之雄、用之則爲虎、措國家於磐石、不用則爲祥麟、爲威鳳、天下後世、但有悲傷感歎、悔不與之同時者耳、孰謂風流容易耶、

蘇轍 附張耒



蘇轍字子由年十九與兄軾同登進士科又同策制舉仁宗春秋高轍慮或倦于勤因極言得失而於禁廷之事尤爲切至策入考官胡宿以爲不遜請黜之仁宗曰以直言召人而以直言棄之天下其謂我何神宗二年轍上書言事召對延和殿時王安石執政出青苗書使轍熟議曰有不便以告勿疑轍曰以錢貸民使出息二分本以救民非爲利也然出納之際吏緣爲姦雖有法不能禁錢入民手雖良民不免妄用及其納錢雖富民不免踰限如此則恐鞭箠必用州縣之事不勝煩矣唐劉晏掌國計未嘗有所假貸曰使民僥倖得錢非國之福使吏倚法督責非民之



便吾雖未嘗假貸而四方豐凶貴賤知之未嘗逾時有  
必糴有貴必糴以此四方無甚貴甚賤之病安用貸爲  
之所言則常平法耳今此法見在公誠舉而行之則晏之  
功可立俟也安石曰君言誠有理當徐思之會河北轉運  
判官王廣廉奏乞行青苗法與安石意合於是青苗法遂  
行安石因遣人使之四方訪求遺利中外知其必迎合生  
事皆莫敢言輒以書抵安石力陳其不可安石怒將加罪  
陳升之止之上問輒與軾如何觀其學問頗相類王安石  
曰軾兄弟大抵以飛箝押闔爲事上曰如此則宜合時事  
何以反爲異論以爲河南推官會張方平知陳州辟爲教



授授齊州掌書記復從方平簽書南京判官坐兄軾以詩得罪謫監筠州鹽酒稅五年不得調移知績溪縣哲宗立以秘書省校書郎召元祐元年爲右司諫司馬光欲復差役轍言其不可光不從遷中書舍人進戶部侍郎既又代軾爲翰林學士尋權吏部尚書使契丹館客者侍讀學士王師儒能誦洵軾之文及轍伏苓賦使還爲御史中丞自元祐初一新庶政至是五年矣人心已定惟元豐舊黨分布中外多起邪說以搖撼在位呂大防劉摯患之欲稍引大、是、用以平夙怨謂之調停宣仁后疑不決轍面斥其非復上疏極諫疏入宣仁后命宰執讀於簾前曰轍疑吾君臣兼



用邪正其言極中理調停之說遂已六年拜尚書右丞進  
門下侍郎初哲宗起李清臣爲中書舍人鄧潤甫爲尚書  
左丞二人久在外稍復言熙豐事以激怒哲宗會廷試進  
士清臣撰策題卽爲邪說轍乃上疏諫哲宗覽奏大怒以  
爲引漢武方先朝落職知汝州再責知袁州試少府監筠  
州居住三年又責化州別駕雷州安置徽宗卽位徙永州  
復大中大夫提舉鳳翔太平宮崇寧中蔡京當國罷祠居  
許州築室於許號穎濱遺老不復與人相見者幾十年政  
和二年卒年七十四謚文定轍性沉靜簡潔所著詩傳春  
秋傳古史老子解樂城集並行于世



張耒字文潛淮陰人年十七作函關賦游學於陳學官蘇轍愛之因得從軾游弱冠第進士歷遷秘書丞著作郎史館檢討居三館八年擢起居舍人紹聖初坐黨籍謫監黃州酒稅徽宗立召爲太常卿甫數月復出知潁州汝州崇寧初復坐黨籍落職主管明道宮初耒在潁聞蘇軾訃爲舉哀行服言者以爲言遂貶時二蘇及黃鼂俱相繼歿惟耒獨存士人就學者分日載酒殺飲食之嘗著論云自六經以下至于諸子百氏騷人辯士大抵皆將以爲寓理之具也夫決水于江河淮海也順道而行滔滔汨汨日夜不止衝砥柱絕呂梁放江湖而納之海其舒爲淪漣鼓爲波



濤激之爲風、颺怒之爲雷霆、蛟龍魚鱉噴薄出沒、是水之  
奇變也。水之初、豈若是哉。順道而決之、因其所遇而變生  
焉。溝瀆東決而西竭、下滿而上虛、日夜激之、欲見其奇、彼  
其所至者、蛙蛭之玩耳。激溝瀆而求水之奇、此無見于理、  
而欲以言語句讀爲奇之謂也。

### 曾鞏

曾鞏字子固、建昌南豐人。生而警敏、讀書數百言、脫口輒  
誦。年十二、試作六論、甫冠、歐陽修見而奇之。嘉祐二年、進  
士第、調太平州司法參軍、太守張伯玉、前輩人也。歐陽修  
王安石諸名士、稱鞏於伯玉。伯玉皆不答、間語之曰、吾方



作六經閣、余其爲之記。子固凡六七脫藁、竟不當意、乃曰：吾自爲之。夫六經閣者、諸子百家皆在焉、不書尊經也。云：鞏始大服、召編校史館書籍、遷館閣校勘、集賢校理、爲實錄、檢校官、出通判越州、徙知齊州、襄州、洪州、加直龍圖閣、知福州。又徙明、毫、滄三州。鞏負才名、久外徙、頗偃蹇。不偶、一日過闕、神宗召見、勞問之、遂留判三班院、拜中書舍人。時自三省至百執事、選授一新、除書日至十數、訓辭典約、鞏之能也。數月、丁母艱去。又數月卒。年六十五。神宗嘗問鞏曰：王安石何如？人對曰：文學行義、不減楊雄、以吝故不及。帝曰：安石輕富貴、何吝也？曰：所謂吝者、勇於有爲而



各於改過也。帝然之。呂公著亦嘗告神宗以鞏之爲人行義不如政事。政事不如文章。鞏是以不大用。

藏書儒臣傳卷之三十九

終



附錄卷之三十九

（此處有嚴重污損，文字不可辨）

本欲知事知事不攻文章筆法以不大佩

（此處文字模糊，難以辨認）















